

# *RO BADEKANYWA NA KRISTO*

 Ndi a ni livhuwa, nga maanda. Ndo takala nga maanda u vhuya, nga Dzina la Murena. Ndi tou vha na manzaranzara zwiłuku, tsha u tou thoma, fhedzi Murena u ntendela u dzhena kha gere ya vhuvhili, nga murahu ha tshifhinga. Ngauralo, ndo vha ndi tshi khou amba zwinzhi ino vhege, kha mułangano. Huno ho vha hu na mbudziso nnzhi dze dza vha dži tshi tea u fhindulwa. Zwenezwo ha bviwa tshifhałoni, hu tshi fhisa. Huno i... A thi na duda. Huno na kathihi a thi athu dipfa ndi khwine-vho, vhutshiloni hanga. Ngauralo, ndi tou pfa ndi wavhudi, fhedzi mukulo wanga wo tou theliseswa. Huno u do luga. Ngauralo ndi ḥodou livhuwa muńwe na muńwe wańu, nga n̄thani ha zwołthe zwe na ita.

<sup>2</sup> Ndo lingedza u wana... Zwezwo ndi tshi khou reila, miniti i si gathi yo fhiraho, Billy na vhańwe vhavho vha vhe nga nnđa, vha tshi khou lingedza u wana muńa mułuku we wa tsela fhasi huno wa kwashea, huno wa kundelwa u humela murahu. Arali vha tshi kha di vha ngomu tshifhałoni, ndi tama vhańwe... vha do imisa zwanda zwavho, kana tshińwe tshithu. Ndo—ndo vha ndi tshi khou ḥoda tshińwe tshithu nga ha hezwo, nne muńe. Huno ngauralo muta mułuku u bvaho Michigan, kana huńwe fhethu, we—we wa fhelelwa nga pićirolo kana tshińwe tshithu, kana tshelede. Arali inwi—arali inwi ni tshi kha di vha fhano doroboni... Arali na vha vhona nga murahu ha mułangano, fhirani navho nđuni yanga. Ni a vhona? Ndi ḥoda tshińwe tshithu kha hezwo. Izwo ndi—izwo ndi zwine... Izwo ndi zwe ra ḥela zwone fhano, ndi u nea pfariso, nnyi na nnyi ane ra kona. Ngauralo, zwino, Murena Yesu u a ri fhałutshedza, thabelo yashu.

<sup>3</sup> Zwino, iyi yo vha vhege i si ya misi, nahone ro vha na zwińwe zwithu zwi si zwa misi. Fhedzi ndi ḥo ri na kathihi a thi athu vhona tshifhinga tshe Muya Mukhethwa wa vhuya wa sudzuluwa wo vhofholowa u fhira zwe Wa ita ino vhege, tshumeloni, zwo tou mangadza lwo fhelelaho kha nne. Huno nga tshifhinga tsha vhusiku musi ndi tshi dzhena, nga tshińwe tshifhinga ndi awara ya u thoma nga matsheloni ndi sa athu ya u edela. Ndi tou takalela mihumbulo ya Murena Yesu e wavhuđi nga maanda kha rię. Huno zwino ndi...

<sup>4</sup> Muńwe wa vhoinwi vhathu-vho vha re u mona hafha, mudini, kana a re vhuponi, ane a vha uri ha athu vha na haya, tshivhidzo tsha haya, ni a ḥanganedzwa fhano, u da tshifhinga tshińwe na tshińwe huno na ita itshi haya hańu. Elelwani, rię a ri na vhurado fhano, ri tou vha na vhutama na vhothe. "Rine a ri na," vhunga Howard Cadle o vha a tshi anzela u amba, "a

hu na mulayo nga nn̄da ha lufuno; a hu na ndaela nga nn̄da ha Kristo; a hu na bugu nga nn̄da ha Bivhili.” Huno ngauralo tshifhinga tshothe ni a tanganedzwa kha iyi thaberenakele.

Zwine, ri khou lavhelela, arali Murena a tshi funa, hu si kale ri tshi kona, u fhaṭa kereke ya khwine, fhethu ho khwathaho lwo engedzeaho—lwo engedzeaho. Hu si huhulusa, ngauri ri tenda zwauri Yesu u khou da hu si kale, huno a ri ḥodi tshithu tsho shumeswaho. Riñe ri tou ḥoda tshiñwe tshithu... Iyi i tsini na u wela ngomu. Yo shuma ndivho yayo, huno ri a livhuwa nga maanda nga nthani hayo.

Ndi nga si do hangwa na kathihi. Heneffa hune iyi phuluphithi ya ima zwino, miñwaha i no ḥodou swika fumbili na zwithu yo fhiraho, ndo gwadama kutivhani kwa kale, maoolo e nga nthā ha thoho yanga. Huno Murena a ri, “Fhaṭa kereke yau hafha.” Pulotoni thukhu, ye ra ya kha vha ha Ingram huno ra i wana nga dolara dza dana na mahumi mañanu na lithihi, arali ri tshi do hū dadza. Úku kwo vha ku kutivha kwa muxwatu he rothe ra vha ri tshi suvha.

<sup>5</sup> Mukomana Jess Spencer u tea u elelwa, iyi yo vha i kutivha ngomu hafha, ene na Khaladzi Spencer. Ndi a humbulela zwauri ni a zwi elelwa. Vho vha vha tshi anzela u disa dzithimu, huno vha reila ndilani vha tshi mona nga iyi ndila, vha tshi ḥodou ri vha si dzjhene ngomu kutivhani.

Ndo vha ndi mutukanyana nga hangeno Tshikoloni tsha Ingramville. Iyi yo vha i kutivha; ra bvela nn̄da hafha huno ra suvha kha muxwatu, huno—huno ra tambo nga u namela miri na tshiñwe na tshiñwe-vho, kutivhani. Mukomana Mike, inwi ni a elelwa musi iyi yo vha i kutivha. [Mukomana Mike u ri, “Ee.”—Mudz.] Ee, muñe wanga. Mukomana Roy, heneffo murahu.

Huno zwino, he ha vha hu na kutivha, ro sokou sia tshipida tshaho, afho ndi heneffo murahu ha *hafha*. Afho ndi hone hune ra lovhedza vhatu ngomu madini u itela khangwelo ya tshivhi tshavho. Huno zwino iyi...

<sup>6</sup> Ni a ñivha, musi ni tshi disa dzimbudziso fhasi, na hune na—na vha na tshiñwe tshithu tshire na ḥodou tshi nekedza, huno ndi thaidzo ngauri ni na vhathetshelesi vho vanganaho. Vhatu vho funziwa nga inwe ndila kana inwe. Fhedzi musi ni tshi nga talutshedza tshithu, na nga ndila yo fhambanaho na zwe vha funziwa, huno u difha ha myua wavho hu elelela murahu, izwo ndi zwa u ofha Mudzimu, kha nñe.

A thi ḥodi u disa linwe dzina-vho. Fhedzi mu—muñwe dokotela, a bvaho nn̄da ha mudi, o sokou tangana na nñe lufherani ngomu heneffo; dokotela wa mishonga, ndi zwi dzhia nga u ralo. Huno, o ri, lwa miñwaha o vha a tshi nga o didzenisa kha hezwo. O vhala bugu yo ñwaliwaho malugana nazwo, zwo fhambanaho na zwe nda vha ndi tshi khou zwi

funza. Fhedzi, ha pfi, tshi bva tshe a dzula muṭanganoni, huno a vhona mbuno dza Luṇwalo dzi tshi vhewa, zwo ḥi ladza zwa lini na lini.

7 Tshifhinga tsho fhiraho, ndo ṭangana lufherani, na vhańwe vhathu vha bvaho nnda ha muđi, vha bvaho Illinois. Huno ho vha hu na vhashumeli vha no ḥodou swika vhańa, vhashumeli vhararu kana vhańa. Huno vha ri, "Mukomana Branham, ro funza zwo fhambanaho, vhutshiloni hashu hothe, fhedzi ri fara bono zwino huno ra vhona zwine zwa vhukuma zwa vha Ngoho. Ro vha ri tshi khou di mangala zwe zwa vha zwi zwone." Ni a vhona? Huno zwino, izwo, ni a vhona, izwo ndi zwine ra vha zwone zwino...

8 Zwine zwa tou vha zwone, mukomana, ni songo elekanya uri izwo zwi tsitsa tshirunzi tsha tshińwe tshivhidzo-vho kana vhańwe vhathu-vho. Izwo zwi disa fhedzi Tshivhidzo n̄tha. Ni a vhona? Huno zwenezwo, rothe, ri fanela u ima. Ri fanela u ima rothe. Musi avho...

Musi Mudzimu o Dikovha ngei Pentekoste, a tshi khou khethekanya Khavhu ya Mulilo ya vha khavhu dza Mulilo ḥukhu, thukhuthukhu, huno a ya a nembelela nga n̄tha ha vhathu, huno Muya Mukhethwa wa da khavho. Arali Mudzimu o Dikovha vhukati hashu, tshifhinga tshothe musi muńwe a tshi ḥiengedza kha riñe, uyo u kuvhangana lwo engedzeaho u mona na iyo Khavhu, tshifhinga tshothe. Huno rothe, musi tshothe tshi Tshivhidzo tsha Mudzimu tshihulwane tsho rengululwaho, tsho kokodzelwa fhetu huthihi, ri do dzhia lwendo nga kha lutombo, hu tshi tou vha na vhuńanzi sa tshińwe tshithu.

9 Na kathihi a thi athu lingedza u fhandekanya kana u luńanya vharathu. Ndo lingedza zwa khwinesa u tou vha wa vhuthu nga he nda kona, u pfectesa. Huno—huno vhańwe vhanna, arali vha tshi...zwivhidzo zwi no lambedza muṭanganano wanga. Zwenezwo arali vha...Vha a fhambana, fhedzi vha a mpfuna, huno vha do lambedza miṭanganano yanga. Huno ndi do da ngomu vhukati ha vhathu vhavho, zwa vhukuma ndi nga si ambe tshithu na tshithihi. Nzhi—nzhinga i nga si zwi ite izwo, naho hu Mukriste. Zwa vhukuma hai.

Huno zwenezwo arali nda vhuya nda vha na miṭanganano ya dennde; ine nda anganya u i ita, Murena a tshi funa, lińwe ḫuvha. Zwenezwo ndi—ndi do ralo, ndi sa athu funza tshińwe tshithu tsha idzi pfunzo, tsha u thoma hu do vha na tshumelo dza nga matsheloni na vhafunzi, Iwa mađuvha o vhalaho, nda ita uri vha ḥivhe zwine nda ḥodou funza. Huno zwenezwo arali uyo mukomana a sa zwi vhoni nahone a sa tendelani nazwo, mukomana muńwe na muńwe-vho, zwenezwo i ri ni vha dzhie tshivhidzo tshavho, vha ri, "Zwino, a thi ḥodi vhoiñwi ni tshi pfa izwi. Ri do tou ḥutshela kule musi vha tshi khou funza

Izwo.” Ni a vhona? Huno na vha nea pfanelo. Riñe tshifhinga tshothe ri todou vha na nyandano na Mudzimu na vhana Vhawe, na muñwe na muñwe.

<sup>10</sup> Ngauralo, zwino, ndi na mbudziso ine nda tea u i fhindula madekwana a namusi, Murena a tshi funa. Huno ndo elekanya zwauri khamusi ndi do fhindula iyi mbudziso, zwezwo ndi sa athu. Ndo elekanya zwauri ndo vha ndi na iñwe hafha, fhedzi ho vha hu muloro we muñwe a u nea, huno a toda uri nne ndi rabele nga hawo huno ndi nee thalutshedzo. Zwine, Murena o vha wa tshilidzi kha riñe, u ita hezwo, zwifhinga zwinzhi nga maanda.

<sup>11</sup> Zwino, ri toda inwi ni tshi zwi divha, ri sa athu thoma tshumeloni, zwauri nothe ni a rambiwa murahu zwi tshi bva mbiluni kha muñgano muñwe na muñwe, tshifhinga tshiñwe na tshiñwe tshine ra vha na muñwe. Huno vha bvaho Louisville, vha bvaho doroboni, vha bvaho muñini na u mona hothe; avha vhashumeli vhavhudi; mukomaná a bvaho Sellersburg; vhaimbí; uyo mufumakadzi, onoyo we a vha ene, a tshi khou imba ngeno nn̄a, tshifhinga tsho fhiraho, na muthu muñuku. Ri tou ni livhuwa, nga maanda. Ndo—ndo vha ndi tshi khou amba na vhañwe vharathu murahu benefho, huno a tho ngo vhuja nda wana na tshikhala tsha u vhona uri ho vha hu nnyi, na uri tsho vha tshi tshini, fhedzi nne zwa vhukuma ndo zwi pfa. Huno zwo vha zwo naka, huno nne zwa vhukuma ndi takalela uvho vhüdidi. Zwino ri do...

<sup>12</sup> Ndo balelwa u vhona ulu madekwe. Murwa wanga o lu vhea tshikwamani tshanga. Muñwe muthu wa vhüthogwa o lu ñwala. Huno zwino elelwani, idzi mbudziso a si dza uri ndi vhe o fhambanaho. Nga tshiñwe tshifhinga, khamusi, musi dzi tshi ñwaliwa, dzi pfala unga dzo fhambana, fhedzi ndi mbilu i fhulufhedzeaho i tshi lingedza u wanulusa. Ni a vhona? Iyo ndi ndila ine tshifhinga tshothe ra sendela khazwo, muñwe muthu a fhulufhedzeaho zwa vhukuma a tshi khou lingedza u wanulusa zwine zwa vha zwone.

<sup>13</sup> Zwino, fhano nga tshiñwe tshifhinga tsho fhiraho, ndo vha ndi ngei hayani, ndi na muñgano wa thabelo. Huno Mukomana Junior Jackson, ndo mu pfa tshifhinga tsho fhiraho, kana ndo elekanya zwauri ndo ralo, o vha e na nne. Huno o vha o no fhedza u amba. Huno ho vha hu na mushumeli a bvaho kha tshiñwe tshivhidzo. Huno ndi sa athu swika na fhasi, a fhufhela n̄tha huno a thoma, a toda u taña khani na nne. Zwo ralo, zwa sokou itea ha vha na vhashumeli vha no todou swika vhañanu benefho, huno vhothe vho vha vha tshi khou yo namela munna nga khathihi fhedzi. Nda ri, “Hai. Ni songo zwi ita izwo. Zwino, a—a nnyitela khaedu, ngauralo a zwi tendela uri nne na ene ri zwi ambe.”

Zwo ralo, a thoma, “Riñe ri amba hune Bivhili ya amba; ri a fhumula hune Ya vha uri yo fhumula,” na zwiñwe-vho. Huno

vha diṭutshela. Huno nga zwifhinga zwi si gathi... Nda dzulela u swaya Mañwalo e a vha a sa khou a redza zwavhuđi, a tshi a vhea fhethu hu si hone. Ha pfi, "Ho vha hu si na fhedzi... Ho vha hu si na nga nnđa ha vhathu vha fumbili vhe vha vhuya vha ḥanganedza Muya Mukhethwa. Avho vho vha vhe vhaapostola. Huno phodzo ya Muya yo ḥewa fhedzi avho vha fumbili," na vhañwe-vho. Ngauralo, ni a vhona, o tou balelwa u rwa hone, nga maela dza milioni. Ngauralo nga murahu ha...nga murahu ha musi ndo... Nga murahu ha musi i tshi ḥodou ita hafu ya awara musi ene a tshi khou amba, nda mu vhudzisa... Huno a ri nñe ndi Diabolo.

<sup>14</sup> Huno ngauralo zwenezwo, nga murahu ha musi o no fhedza u amba, nda ri, "Zwino, tshithu tsha u thoma tshine nda ḥodou amba, mukomana, ndi a ni hangwela kha hezwo, ngauri no vha ni sa khou amba hezwo. Ndi a zwi ḫivha uri no vha ni sa khou ralo. Ngauri, arali ni mushumeli na nñe ndi mushumeli, ri tea u vha vharathu." Ni a vhona? Huno zwenezwo nda ri, "Zwino, u sa pfectesana, kha Luñwalo, ndi tshiñwe tshithu tsho fhambanaho."

<sup>15</sup> Ngauralo ra thoma u dzhia Luñwalo. Huno uyo muthu a tungufhadzaho o vha o xela nga maanda, nga muniti, ho ngo ḫivha he a vha a tshi nga ima hone kana uri a nga ita mini. Zwenezwo, a vha o vhoxwaho nga maanda, ho ngo ḫivha uri a nga ita mini. Huno ene, musi a tshi bva tshifhañtoni, nangwe, uvho vhusiku, a ri, "Ndi ḥo amba tshithu tshithihi, Mukomana Branham. Inwi ni na Muya wa Kristo." Ni a vhona?

Huno nda elekanya, "'Diabolo,' miniti i si gathi yo fhiraho, huno zwino 'Muya wa Kristo.'" Ndi nđila fhedzi ine na sendela khazwo. Ndi zwenezwo fhedzi. Kristo o vha a sa tei u ḥata khani.

<sup>16</sup> Zwino—zwino, uyo munna, ngauri o ita izwo, zwithu zwi ofhisaho zwa bvelela khae; kaṭukuṭuku a ḥodou xeletwa nga thalukanyo yawe. A tshi bva kha tshiimiswa kana tshiñwe tshithu, a fhufha nga fasitere, huno kaṭukuṭuku a ḥodou ḫivhulaha. Huno zwino u khou vhuya murahu kha dziñwe khonani dzavhuđi dzanga. U khou ḥoda, ḫuvha liñwe na liñwe, ndovhedzo ya Muya Mukhethwa. U ḥoda u da ndumi yanga, uri zwanda zwi vhewe khae, uri a ḥanganedze Muya Mukhethwa; mureri wa tshividzo tsha dinomineisheni tshihulwane. Ni a vhona?

<sup>17</sup> Ngauralo, ri fhindula dzimbudziso ri vha fhulufhedzeaho dzimbiluni, nga zwoğhe zwine ra ḫivha uri hu fhindulwa hani.

<sup>18</sup> Huno zwino ndi ḥo vhala iyi mbudziso, yo ḥwalwaho nga ndila i takadzaho.

1. **Mukomana Branham, naa ni nga ḥalutshedza uri ndi ngani vhathu kha Mishumo 2:4 vho amba nga dziñwe ndimi kana dzinyambo, na musi vhathu vhanzhi-vhanzhi vho kuvhangana kha Mishumo 2:6?**

Iyo ndi mbudziso ya u thoma. Iina. Ndi onoyo muthu muthihi, ndi zwi dzhia nga u ralo, na nne. Ee, ndi onoyo muthu muthihi.

<sup>19</sup> Zwo ralo, zwino, arali ni tshi do dzhiela nzhele, mukomana, khaladzi, onoyo we a vha e ene we a i nwala. A yo ngo amba ipfi na kathihi nga havho vha tshi da dasi, vha tshi bva apositizi. Huno vhathetsheli vho vha vha siho apositizi. Fhedzi musi vha tshi tsela fhasi kha dzikhothe he vhathe vhanzhi-vhanzhi vha vha vho kuvhangana, afho ndi musi vha tshi vha pfa vha tshi amba nga dzindimi. Ni a vhona? Ni a vhona?

<sup>20</sup> Zwino, inwi ni nga ri, “Zwo luga, vho amba hangei ntha.”

Huno arali yo vha i khanedzano kana u ta ta khani, no vha ni tshi do vha na pfanelo i linganaho na yeneyo ya u zwi amba, “A vho ngo amba u swika vha tshi swika ngeno fhasi, ngauri, ‘Musi izwi zwi tshi pfala thungo dzothe.’” Ni a vhona?

Zwino, tshinwe tshithu hafha, zwi tshimbila nazwo.

**2. Naa ni nga ṭalutshedza uri Simoni o zwi divha hani uri Muya Mukhethwa wo vha wo no newa kha Mishumo 8:18? Izwo ndi ngei Samaria.**

<sup>21</sup> Zwo ralo, hu na tshithu tshithihi, ho ngo zwi divha uri vho vha vhe na Muya Mukhethwa nge vha amba nga dzindimi, kana Bivhili a yo ngo amba zwauri vho ralo. Vho tou vhona mvelele. A hu na ane a nga tanganedza Muya Mukhethwa hu si na tshinwe tshithu tshi no khou bvelela khae. Izwo ndi zwone. Fhedzi a yo ngo ri vho amba nga dzindimi henefho, ngauralo hu fanela u vha ho vha tshinwe tshithu-vho tshe a tshi vhona nga nn̄da ha u amba nga ndimi, ngauri a yo ngo zwi bula uri vho amba nga ndimi.

**3. Huno ṭalutshedzani uri ri zwi divha hani uri vha nw vhathe vha vho amba vha vho amba Tshigalilea.**

<sup>22</sup> Tshipida tshihulusa tshavho henefho tsho vha tshi tsha Tshigalilea. Huno vhone vhothe... Zwino, vhunga ndo amba matsheloni a namusi... Zwino, hu na zwithu zwivhili, vhukoni vhuvhili. Zwino, nne ndi khou yo dzhia sia la uri vhathe vho vha vha tshi amba nga dzindimi; vhathe vha sa khou amba nga dzindimi, fhedzi nga dzinyambo, musi vha tshi bva kha lufhera lwa ntha huno vha thoma u tangana na vhathe. Fhedzi arali na vhala Luñwalo, thetshellesani zwavhu ñi zwino.

...naa avha vhothe a si Vhagalilea vha no amba?

*Huno zwi da hani riñe—zwi da hani riñe ri tshi pfa muñwe na muñwe ngá lulimi lwa riñe vhañe, lwe ra bebw a nalwo?*

...naa avha vhothe a si Vhagalilea vha no amba?

<sup>23</sup> Vha nga di vha vho vha vha tshi amba Tshigalilea, fhedzi vho vha vha tshi vha pfa nga luñwe luambo. Hu nga di vha ho vha hu uri vho vha tshi khou amba nga luñwe luambo,

luambo lwa vhone vhañe. Inwe ndila yadzo, ho vha hu si nga vhi na thaidzo; zwi kha di vha zwi sa iti uri muṭalukanyo wa Pentekoste u vhe wone. Ni a vhona? Ngauri... Thetshelesani. Hafha ndi ngani. Hu si u amba tshiñwe tshithu tsho fhambanaho, fhedzi u tou ita uri mbuno i vhe tswititi. Arali ni tshi dzhiela nzhele, ndi ngani Petro o takuwa-ha huno a amba na vhatu vhanzhi-vhanzhi vhothe, huno vhone muñwe na muñwe o mu pfa nga luambo lwe a vha a tshi khou amba. Ngauri, vha zwigidi zwiraru vho rembuluswa, vha Vhayuda vho khwañhaho vhe vha vha vho khwatha kha vhurereli havho sa zwe vha kona. Fhedzi vha fanela u vha vho ima, vho pfectesa ipfi linwe na linwe, la Petro a tshi khou rera nga ha vhaporofita, na vhañwe-vho, a tshi zwi disa u swika kha Pentekoste. Ngauri vho ḥavha mukosi, huno vha ri, "Vhanna na vharathu, naa ri nga ita mini uri ri tshidzwe?"

Petro a ri, "Shandukani, huno ni lovhedzwe nothe nga Dzina la Yesu Kristo u itela khangwelo ya tshivhi tshañu."

<sup>24</sup> Zwino itonu ri ndi ambe izwi, nga—nga yone... mbilu yanga yoñhe, uri ni kone u vhona zwone... zwine nda khou lingedza u zwi disa kha inwi. Nne zwa vhukuma ndi a tenda kha u amba nga ndimi. Ndi tenda uri ndi tshifhiwa kha Tshivhidzo. Ndi a tenda uri hu na ndimi. Ndo no amba nga dzindimi, zwifinga zwinzhi, nne muñe.

<sup>25</sup> I ri ni ndi ni nee tsumbo ḥukhu, zwine nda elekanya uri Pentekoste yo vha i zwone. Huno zwenezwo ndi do... tshiñwe tshithu tshi no nga yone, zwino, kana tshiñwe tshithu kha iyi nzudzanyo. Ndo vha ndi ngei Dallas, Tex... Houston, Texas, musi *itsi* tshifanyiso tshi sa athu dzhiwa, lwa ḫuvha lithihi. Ro vha ri tshi do vha ro vha na Holo ya Muzika; ro vha ri na vha zwigidi zwa malo. Vhatu vho kundelwa u dzhena, ngauralo ra ya ngei thaberenakeleni ya Raymond Richey. Ndi hangwa fhedzi... Yo vha i tshi tou vha khulukhulu, thaberenakele khulu. Huno—huno iyo ro i dadza. Huno nda rera nahone nda rabelela vhalwadze, hafha. Zwenezwo, musi vha tshi khou vha bvisela nnja, ndo vha ndi tshi ya nga hangei, huno nda rera nahone nda vha rabelela nga hangeno, kha ya Raymond Richey, seli ha mulambo.

<sup>26</sup> Huno zwenezwo ro vha ri hangei, ri tshi khou ḥodou vhuyeleta kha Holo ya Muzika. Nda... Howard o tou ntendela u ya u swika hune ndi nga kona u ya. Huno a nkawama kha shaña, a mphaphatha kha lurumbu. [Mukomana Branham u a diphaphatha—Mudz.]

Arali no dzhiela nzhele, lufherani, musi ho vha hu na ndodzo, vha do mphaphatha, nga *iyi* ndila. [Mukomana Branham u a diphaphatha—Mudz.] Izwo zwi amba, "Ndi tshifhinga tsha u litsha. Ni songo tsha amba. Idani." Huno Howard, o vha a tshi anzela u ralo, ndo vha ndi tshi ima

heneffo, ene a sokou dzhia tshanda tshanga, a mposela nga n̄ha ha shada ḥawe huno a bvela mn̄da. Ni a vhona? Ngauri, o zwi divha zwauri ndo vha ndo no netà lwo eđanaho.

Zwo ralo, nda thoma u ṭuwa pulatifomoni musi a tshi mphaphatha. Nda ri, "Ho luga, mukomana." Nda thoma u ṭuwa pulatifomoni, huno musidzana, musidzanyana, o vha o dzula, o ima hafha, a tshi khou lila. Musidzanyana, wa Mexico, o vhonalaho a tshi nga u na miñwaha i no ḥodou swika fumbili, fuiña, vhukale fhedzi ha muswa. Huno nda mu sedza, huno nda ri, "Naa thaidzo ndi mini, mufunwa?" Nda ri, "U khou lila, Howard, ngauri..."

Ha pfi, "No no neta lwo eđanaho. Ni na tshiñwe tshigwada hangei, tsho lindelaho."

Huno nda ri, "Mu diseni ngeno n̄ha." Huno nda tou hovhelela, nda sumbedzela nga *iyo* ndila. Huno a da n̄ha kha pulatifomo. Ndi tenda uri Mukomana Woods na vhañwe vho vha vhe hone, zwino. Vho vha vhe ngei muñanganoni. A thi divhi uri kana ho vha hu nga itsho tshifhinga kana hai. Mukomana Woods, naa ni ngafhi, madekwana a ñamusi? [Mukomana Banks Wood u ri, "Hafha."—Mudz.] Ho vha... Naa ndi zwone? ["Zwo luga."] Iina, no vha ni hone. Huno nda ri, "Mu diseni n̄ha kha pulatifomo."

Zwo luga, nda ri, "Sedzani, mufunwa. Naa ni a tenda zwauri Mudzimu u a kona u mmbudza uri vhuleme hañu ndi mini?" Huno a dzula o kotamisela fhasi thoho thukhu yawe. "Zwo ralo," nda elekanya, "a nga di vha o dzinga ndevhe nahone e tshimuma."

<sup>27</sup> Ngauralo, nda sedza hafhu. Nda vhona uri ho vha hu tshipitshi. Huno nda ri, "Oo, ha koni u amba Tshiisimane." O kundelwa u amba ipfi lithihi la Tshiisimane. Ngauralo o vha a tshi bva Mexico. Ngauralo vho vha vhe na muñalutshedzi a no tea u da. Huno nda ri, "Naa ni a tenda, mufunwa, uri Murena Yesu a nga mmbudza uri vhuleme hañu ndi mini?"

Zwo ralo, a fhindula muñalutshedzi, a ri, "'Ee.' O zwi tenda."

Huno nda ri, "A ni koni u amba Tshiisimane, na luthihi?" Huno muñalutshedzi a amba nae.

A ri, "Hai." Na kathihi ho ngo divha mañwe maipfi-vho a Tshiisimane. O vha a tshi bva Mexico. Huno ngauralo musi ndi...

<sup>28</sup> Zwenezwo bono la thoma. Huno nda ri... A vha ḥalutshedzi bono, ni a vhona, ngauri ni khou amba ni sa aweli. Na kathihi ni songo ḥalutshedza bono, ngauralo, u swika zwo no fhela, huno zwenezwo vha a vha vhudza zwo bvelelaho. Ngauralo, zwenezwo, musi ndi tshi thoma u amba, nda vhona bono. Nda ri, "Ndi vhona musidzanyana wa miñwaha i no ḥodou swika rathi. O ambara rokho ya masikotshi, u na

zwīirepe zwitswu zwa mavhudzi two nembelelaho mūtanani wawe, na vhura ha riboni ngomu hayo. O dzula tsini ha tshivhaso tsha tshikalekale. Hu na gedela khulwane, huno u khou lā livhele lā tshirulwane li bvaho khayo. U lā livhele lihulusa u swika a tshi lwalesa. U a wa, huno mme awe vha a mu ededza n̄tha ha mmbete, huno u na tshifakhole. Huno izwo ndi zwe zwa bvelela khae. Ni a vhona?” Nda ri, “No vha ni na tshifakhole, u bva tsheetsho.”

Huno nga u ḥavhanya, mūniwe a sa athu amba tshiñwe tshithu, a sedza n̄tha kha mūtalutshedzi, a amba, nga luambo lwa ene muñe, “Ndo elekanya uri o kundelwa u amba Tshipenishi.”

Huno mūtalutshedzi a ri, “Naa no amba nga Tshipenishi?”

Nda ri, “Hai, muñe wanga. Ndo amba nga Tshiisimane.”

A ri, “Zwo ralo, o amba uri no amba nga Tshipenishi.”

Nda zwi pfesesa. Nda ri, “Imisani vharekhodi.” Ho vha hu na tshivhalonyana tshihulu tsha vharekhodi, khamusi vha furaru vhavho vha tshi khou ṭuwa, mađuvhani ayo.

Mukomana Roy Roberson, naa no vha ni siho ngei? [Mukomana Roy Roberson u ri, “Ee.”—Mudz.] Ee. Mukomana Roy Roberson, na Khaladzi Roberson na vhañwe, vho vha vhe henengei.

<sup>29</sup> Ngauralo nda ri, “Imisani vharekhodi. Dovhani ni i lidze.” Huno yone zwa vhukuma yo vha i nga Tshiisimane. Fhedzi, ni a vhona, zwenezwo musi ndi tshi thoma . . .

Samusi bono lo vha li tshi khou bvela phanda, ndo vha ndi tshi khou amba nga Tshiisimane fhedzi ene o vha a tshi khou zwi pfa nga Tshipenishi. “Zwi dā hani ri tshi pfa muthu muñwe na muñwe nga lulimi lwa riñe vhané, lwe ra bebwa nalwo?” Ni a vhona? Huno, fhedzi, zwenezwo ndi tshi thoma u amba, nñe muñe, zwenezwo a sa pfe na tshithu tshe nda tshi amba. Fhedzi müsi u hevhedzwa ho vha hu kati . . .

<sup>30</sup> Zwino izwo zwi shumiseni kha Pentekoste, luthihi fhedzi. Ni a vhona? Khonani, Mudzimu ndi muhañuli wanga. Muya Mukhethwa wo ita hezwo. Zwino kha ri shumise izwo murahu kha Pentekoste, u itela thaluso yashu. Muya Mukhethwa wo vha u si nga iti tshiñwe tshithu u tou—u tou amba uri O zwi ita. Hu tea u vha na tshivhangi na tshiitisi. Ni a vhona?

<sup>31</sup> Zwino, nga ilo Duvha, “Zwi dā hani ri tshi pfa muthu muñwe na muñwe nga lulimi lwa riñe vhané, lwe ra bebwa nalwo? Naa avha vhothe, a vha khou amba, Tshigalilea?” Naa vho zwi ñivha hani uri vho vha vhe Vhagalilea, arali vho vha vha sa khou amba Tshigalilea? Vhothe vha vho ambara u fana. Naa vho zwi ñivha hani uri vho vha vhe vha Galilea? “Naa avha vhothe, vha no khou amba, a si Vhagalilea? Huno zwi dā hani ri tshi pfa muthu muñwe na muñwe, nga lulimi lwa riñe vhané, lwe ra bebwa nalwo?”

<sup>32</sup> Zwenezwo, nthā hu swika muñwe munna, Mugalilea, Petro, huno u thoma u vha rerela. Huno nga iñwe ndila iñwe-vho, kha avho vhathu vhanzhi-vhanzhi, mimuya ya zwigidi zwiraru yo mu pfesesa, huno ya ḍa huno ya rembuluswa, huno ya ḡekedzela matshilo ayo kha Kristo.

<sup>33</sup> Zwino thetshellesani. I ri ni ndi ni dzhièle luñwe Luñwalo luthihi lwo engedzeaho, ndi a humbela. I ri ni ri ye ngei kha Paulo Mukhethwa muhulwane, huno zwenezwo ri ḍo vhala ndima ya vhu12 ya Vhakorinta Ya U Thoma. Huno zwenezwo ri ḍo wela ngomu ha ndima ya vhu13 ya Vhakorinta Ya U Thoma, musi Paulo o vha a tshi khou amba nga ha, “Arali ndevhe dzi tshi ḍo ri kha ningó, ‘A thi na ḡhodea yau,’” na zwiñwe-vho, miraḍo ya Muvhili. Zwenezwo kha ndima ya vhu13–vhu13, thetshellesani zwe a amba zwino.

<sup>34</sup> Zwino, ri a zwi divha uri hu na tshakha mbili dzo fhambanaho dza dzindimi dzo buliwaho Bivhilini. Luñwe lwadzo ndi luambo, uri ndi—ndi tshivhumbeo tsha tshipitshi tsha ḥifasi. Zwino, luñwe ndi ndimi dzisili.

<sup>35</sup> Zwino, vhanzhi vha vhathu vhanga vhanzhisa vha vhuthogwa... Ndo ni vhudza uri nne ndi Pentekoste. Zwino, vhathu vhanzhisa vhanga vha a zwi tenda izwo, zwauri, musi vha tshi ḥanganedza Muya Mukhethwa, vha tou takuwa huno vha amba nga ndimi dzisili. Izwo zwi tou vha kokotolo zwe fhambanaho na Luñwalo. Zwenezwo vhathu a vha zwi divhi zwine vha khou amba. Fhedzi, nga ḫuvha ḥa Pentekoste, muñwe na muñwe o zwi divha zwe vha vha vha tshi khou amba. Izwo ho vha hu u ya, kha lushaka luñwe na luñwe. Ni a vhona? Yesu o ri, “Mafhungo-madifha a fanela u rerwa kha shango ḥothe, u thoma ngei Yerusalem.” Henengei ndi hone he zwa tea u vha nga iyo ndila.

Zwino dzhielani nzhele. Paulo o amba, zwauri, “Lulimi luthihi, zwe, arali no amba ngalwo, ndimi dzisili dzine dza vha tshifiwa tsha dzindimi, nn̄dani ha musi zwi tshi vha nga thalutshedzo kana nga nzumbululo, izwo a zwi nga binduli nga maanda.”

Huno zwenezwo ri a wanulusa, uri, kha ndima ya vhu13, o ri, “Naho ndi tshi amba nga ndimi dza vhathu,” ndi uri zwivhumbeo zwa zwipitshi zwa ḥifasi, “kana dza Vharuñwa. Naho nda amba nga lulimi lwa vhathu kana lwa Vharuñwa, huno lufuno ndi si na, nne a thi tshitihu.” Ngauralo ni nga kona u amba nga ndimi dza vhukumakuma dza vhathu na Vharuñwa, huno na kha ḫi vha ni si na Muya Mukhethwa.

<sup>36</sup> Naa a ro ngo tou vha nazwo, kha Vhaheberu 6? “Mvula yo nela goroi na tsheñe.” Naa Yesu ho ngo ri, “Mvula i ḫela vho lugaho na vha songo lugaho”? Ni a vhona? Mvula yeneyo nthihi i no ita uri goroi i aluwe, ndi yeneyo mvula nthihi i no ita u—u aluwa. Fhedzi, nga mutshelo wa yeneyo, ni a i divha.

Huno mutshelo wa u thoma wa Muya ndi lufuno. Zwe Paulo a amba, "Arali ndi na—arali ndi na zweithe, ndi tshi kona u amba nga tshakha dzothe dza dzindimi, huno ndi si na lufuno, u kondelela, u vuda, lutendo, vhusifhelembilu, na zwiñwe-vho, a zwi mpfarisi tshithu." Ni a vhona?

<sup>37</sup> Huno dzhielani nzhele nga ha zwifhiwa. Inwi ni ri, "Oo, *ngoyo* munna muhulwane wa Mudzimu. Oo, u ita madembe." Izwo zwi kha di vha zwi sa mu iti o lugaho.

<sup>38</sup> "Naho ndi na tshifhiwa tsha madembe," Paulo o ri, kha Vhakorinta Ya U Thoma, tshiñwe tshithu kha iyo nzudzanyo, "naho ndi na lutendo u swika ndi tshi kona u sudzulusa dzithavha, huno nda si vhe na iyo mitshelo ya Muya, lufuno, nne ndi kha di vha ndi si tshithu." Ni a vhona? Ngauri, lutendo lu do ita tshiñwe na tshiñwe.

Ndi ngazwo tshifhinga tshothe ndi tshi ri, "A ni fhodzwi nga zwivhuya zwa tshidzo yanu, tshivhuya tshañu. Ni fhodzwa nga zwivhuya zwa lutendo lwanu, 'Arali ni tshi nga tenda.'"

<sup>39</sup> Zwino, ni a vhona, "Naho ndi tshi amba nga ndimi dza vhathu na dza Vharuñwa, huno ndi si na lufu- . . .," naho a tshi nga kona u zwi ita, "nne a thi tshithu." Ngauralo, ni a vhona, ni nga si ambe tshithu.

<sup>40</sup> Zwino, kha khonani yanga ya vhuthogwa ya Methodisi. Ndi na mbili dzo dzulaho henehafha, na huñwe na huñwe. Ndi nadzo ngeno nn̄da, vhunzhi hadzo. Tshividzo tsha Methodisi tsho vha tshi tshi anzela u tenda, murahu kha duvha li vhilulaho latsho, la tshikale, zwauri, "Musi munna o wana vhurereli lwo edanaho, huno o khethefhadzwa, u tavha mukosi, o vha e Nawo."

Pentekoste ya ri, "Musi o amba nga dzindimi, o vha e Nawo."

Huno maduvhani ano, vha ri, "Arali ni na mushumo wa u fhodza, no U wana." Fhedzi a hu tshiñwe-vho tsha . . .

<sup>41</sup> Thetshelesani, khonani. Ni songo lingedza u ditika na u toða minyanyuwo. Vhudzuloni, fulufhedzani zwa vhukuma, ni a vhona, hu si munyanyuwo. U tavha mukosi ho luga. U amba nga dzindimi ho luga. U renda Murena ho luga. Lutendo lwa madembe lwo luga, izwo zwithu zweithe.

<sup>42</sup> Huno uvho vhudipfi, vhañwe vhavho vha ri, "Oo, ndo U pfa vhunga maya u vhudzulaho." Muñwe u ri, "Ndo pfa Mulilo tuyani wanga." Mini? Izwo a zwi zwi iti uri zwi vhe zwone, iñwe ya idzo ndila. Ndi zwine na vha zwone nga murahu ha musi no no u tanganedza, ni a vhona, izwo ndi zwone zwi re na ndeme. Ni a vhona? Ngauralo ni nga si U pereñedze kha muñwe munyanyuwo-vho.

<sup>43</sup> Zwino, izwo nga u fhulufhedzea ndi zwa khwinesa zwine nda zwi ñivha. Zwino, ndi nga di vha ndo khakha; arali ndo

ralo, zwenezwo a thi pfectesesi zwone Luñwalo. Huno arali two fhambana, two ralo, a thi khou amba u vha o fhambanaho. Ni a vhona? Fhedzi ndi khou tou amba vhuñanzi ha zwine nda tenda zwi re ngoho.

<sup>44</sup> Zwino, ri dzhia tshifhinga tshinzhi tshashu hafha kha hezwi, ri sa athu thoma ngomu ha tshumelo ya misi. Huno zwino—zwino, a ri zwi buli izwi zwithu kanzhi thabereneakeñeni, tshiñwe tshifhinga. Ulu lwo vha u thoma, ndi a humbulela, lwa tshifhinga tshilapfu, khamusi ñwaha kana mivhili, kana tshiñwe tshithu. Huno zwenezwo khamusi vhañwe vha vhathe vhashu vha a dzhena, huno vha ri, “Zwo luga, Mukomana Branham, ndo vha na—ndo vha na milomo ya makakamela. Nahone ndo ita *itshi*. Ndo ita *itsho*?”

Ndo ri, “Zwo ralo, two luga. Izwo ndi zwavhuđi nga maanda.”

<sup>45</sup> Zwino, arali ni tshi todou amba nga ndimi dzisili, ndi tenda uri Mudzimu u do ni tendela u zwi ita. Fhedzi u ya nga Mañwalo, ni kha di vha ni si tshithu u swika Muya Mukhethwa u tshi da.

Zwenezwo, nga murahu ha musi Muya Mukhethwa u tshi da, zwenezwo ni nga kona u amba nga dzindimi huno na vha na... Mudzimu u do tou dzhia mvelo ine na vha yone, huno a ni tumulela yone, huno a ni ita mulanda wa khwinesa ame ni nga vha ene. A nga di ni ita uri ni rere Mafhungo-madifha. A nga di ni ita uri ni vhe na tshifhiwa tsha u amba nga dzindimi. A nga di ni ita muporofita. A nga di ni ñea muya wa vhuporofita. A nga di ralo. Zwi a kondja u amba, zwine A do ni itela zwone. Kana, A nga di ni itela izwo zwithu zweithe. Fhedzi tshithu tsha u thoma, ndi u vha na ngoho, ya uri, “Ngá muthihi...” Hu si munyanyuwo. “Fhedzi nga Muya muthihi rothe ro lovchedzelwa Muvhilini muthihi.” Huno zwenezwo zwifhiwa zwi da zwi tshi bva kha uyo Muvhili, ni a vhona, u amba nga dzindimi na tshiñwe na tshiñwe.

<sup>46</sup> Zwine zwa vha zwone, arali—arali Munazarini a tshi da kha nñe. Inwi ni do ri, “Mukomana Branham, zwino, hu na Munazarini na Mumethodisi. Vha ri vho tanganedza Muya Mukhethwa musi vho t̄avha mukosi. Vho ri vho tanganedza Muya Mukhethwa.” Nñe a thi khou ri a vho ngo ralo.

Fhedzi ngetshi tshithu tshithihi tshine nda tshi sedza, “Ngá mutshelo wavho.”

Musi Ngoho i tshi dzumbululwa, vhañwe vhavho vha a I thudzela kule, nga ndila i kalakataho, “Uyo ndi Diabolo.” Zwenezwo, mutshelo u sumbedza hune zwa bva hone. Ni a vhona? Zwi sumbedza uri a vho ngo U wana. Fhedzi avho vha no takalela u tshimbila Tshedzani, vha t̄anganedza Ipfi.

<sup>47</sup> Phano nga tshiñwe tshifhinga tsho fhiraho, ndo vha ndi tshi khou rera fhasi ngei Kentucky. Huno nga nn̄da ha

mutangano, ho vha hu na munna we a vha e wa tshivhidzo tshi no tenda uri mađuvha a mađembe o fhira. O vha o fara ḫenzhe tshandani tshawe. Huno a ri, "Ndo tou ni lindela, mureri." Huno malume vha kale na nñe, vho no ṭuwaho zwino.

Huno nda ri, "Ee, muñe wanga."

A ri, "Nñe ndi mukeneñene."

Huno nda mu lumelisa. Nda ri, "Nñe ndo takala nga ngoho u ḫangana na inwi, mukomana wanga."

Huno a ri, "Ndi khou ṭoda u tou ni vhudza uri ndi tenda uri inwi zwa vhukumakuma no khakha."

Nda ri, "Zwo ralo, ni na pfanelo ya u ita hezwo, ngauri ni Muamerika." Huno a ri... Zwo luga, ni a vhona, huno ri na... Nda ri, "Ndo khakha kha mini? Ni do amba kha phodzo?" Nda ri, "Mini-ha nga ha ula musidzanyana a si na zwienda we a tshimbila a da n̄ha heneffo mulovha, madekwe, e na lushie luṭuku?"

O vha a si na miñwaha i no todou fhira fumiña, ene muñe, a si na zwienda. Thukhu ya kâle... Naa ni i vhidza mini iyo? Gingham, calico, kana luñwe lushaka lwa rokho. A thi ḫivhi nga ha dzithundu. Huno—huno o vha e na lushie luṭuku tshandani tshawe, huno a tshimbila a da kha nñe. Huno vhatthu vha tshi khou ṭodzimela ga fasi... Huno itshi tsho vha tshi tshivhidzo tsha Methodisi, tshivhidzo tsha Methodisi tsha White Hill, heneffo nn̄da ha Burkesville, Kentucky, he nda bebelwa hone. Huno o vha e na ulu lushie luṭuku. Huno nda ri, "Khaladzi..."

Ndo vhudzisa, "Nnyi na nnyi a no khou lwala?"

Huno a tshimbila a fhira heneffo, tshithu tshiṭuku, tshi re na thoni, thoho yatsho yo kotamela fhasi. Huno a ri, "Ee, muñe wanga, lushie lwanga." Huno tshithu tshiṭuku tsho vha tshi tshi khou ita nga iyo n̄dila.

Nda ri, "Naa thaidzo yalwo ndi mini, khaladzi?"

A ri, "Lu na u hwetekana misipha."

Huno nda ri, "U hwetekana misipha?"

"Ee, muñe wanga."

Nda ri, "Ho no fhela tshifhinga tshingafhani lu na u hwetekana uhu ha misipha?"

Huno a ri, "Zwo ralo, u bva tshe lwa bebwa, huno lu tsini na u fhedza ñwaha."

Huno nda ri, "Naa ni a zwi takalela ndi tshi takula ulwo lushie?" Henengei n̄tha dzithavhani ni tea u nga ni a zwi sedzesza izwo.

Huno a ri, "Ee, muñe wanga." A n̄nekeda muthu muṭuku tshandani tshanga.

<sup>48</sup> Mbiluni yanga, ndo sokou ima nda dzika, lwa muniti. Nda ri, “Mudzimu, arali U tshi khou yo ntendela u wina avha vhathu, zwenezwo nnyitele tshiñwe tshithu zwino.”

Huno musi ndi tshee ndo lu takula tshandani tshanga, lwa ima u hwetekana misipha. Nda lu sedza. Nda lu dzudza, zwanda, nda tamba nalwo, huno lwa nwethuwa nahone lwa ntsea. Nda sedza fhasi khae. Huno a takusa... A kotamisela thoho thukhu yawe fhasi, mavhudzi o fhandekanywa nahone a tshi khou nembelela fhasi muñanani wawe, na miluko khao. A takusa thoho yawe, na miñodzi i tshi khou elela maramani mañuku awe. Vhanna vha vhuhali vho ima benefho, ndebvu zwifhañuwoni zwavho, dzo lapfa *zwingafho*, na miñodzi i tshi khou elela maramani avho. Nda sedza u mona hothe. Nda ri, “Ngolu lushie lwañu, khaladzi. Yesu Kristo u lu nea mutakalo.” Huno avho vhasadzi vha kale vha thoma u ñoka huno vha wela fhasi, huno ha shululelwa mađi zwifhañuwoni zwavho, huno vha vhuzulelwa nga fene.

Huno—huno, mulandu, nda ri, “Naa ndi mini tsho itaho izwo?”

A ri, “Vho-Branham, ndi nga si kone u tanganedza tshiñwe tshithu u swika ndi tshi tshi vhona zwavhuđi.”

Nda ri, “Zwo ralo, ndi muhumbulo wavhuđi, ndi zwi dzhia nga u ralo. Fhedzi,” nda ri, “Ndi todou ni vhudzisa, naa ni dzula ngafhi?”

A ri, “Murahu seli ha thavha hafha, ndila. Iyani na ne hayani u itela tshiswiñulo madekwana a ñamusi, huno ndi do ni nea gara na tshinnkwa tsha mavhele.”

Nda ri, “Ndi do takalela u ya, nahone zwa vhukuma ndo farwa nga ndala, fhedzi,” nda ri, “Ndi nga si kone u zwi ita. Ndi tea u ya hayani na malume anga.” Huno a... Ha pfi, “Zwo ralo, ndi todou ni vhudzisa. Ndi todou ni vhudzisa tshiñwe tshithu. Naa ni zwi ñivha hani uri ni khou yo swika hayani?”

A ri, “Zwo luga, ndi do tou tshimbila nda pfuka ila thavha.”

Nda ri, “Ni a kona u vhona haya hañu?”

A ri, “Hai.”

Nda ri, “Zwenezwo ni zwi ñivha hani uri ni khou yo swika henengei?”

A ri, “Hu na ndila ine ya ranga phanda.”

Nda ri, “Fhedzi, naho zwo ralo, a ni koni u i vhona. Huno ni kha ñi bvou mmbudza uri no kundelwa u tanganedza tshiñwe na tshiñwe nnđani ha musi no no tshi vhona, nga hothe.”

“Oo,” a ri, “Ndi do tou dzhia tshedza huno nda tshimbila nga tshedza.”

Nda ri, “Izwo zwi tou vha zwine nda khou lingedza u ni swikisa khazwo uri ni zwi ite.”

U tou fana na denzhe li tshi nea tshedza, inwi tshimbilani Tshedzani vhunga Ene e Tshedzani. Ri do swika henengei zwavhudi. Naho ndi sa vhoni vhufhelo, zwi khagala, fhedzi ndi a zwi ḋivha uri vhu do vha hone.

Kha ri rabele zwino.

<sup>49</sup> Khotsi wa Tađulu, ri a U livhuwa nga nthani ha vhudi ha Yesu Kristo, A re vhukati ha lufuno. Huno ndo vha ndi tshi anzela u elekanya uri Iwe wo ntsinyutshela, fhedzi Yesu o mpfuna. Fhedzi ndi a wanulusa zwino uri Yesu ndi yeneyo mbilu ya Mudzimu, ngauralo ndi—ndi a zwi ḋivha uri Iwe u a mpfuna huno—huno wo tambulela nne.

<sup>50</sup> Huno, Khotsi, Mudzimu, ndi rabelela ili shango ḥamusi, na shango ḥashu. Ndi a rabela, Murena, u itela khangwelo ya khakho dza nne muñe na u itela khakho dza vhathu vhanga, vhathu vhe Wa nnea uri ndi vha lise. Huno ndi rabela uri U do vha fhaṭutshedza, na muñwe na muñwe wa vhathu vhe vha vha kha uyu muṭangano muṭuku, we a vhudzisa dzimbudziso. Kana—kana, khamusi ndo amba tshinwe tshitihu tsho fhambanaho na tshine vha tshi tenda. Murena, a thi koni u zwi talutshedza, nne muñe. Nne a thi koni. Fhedzi tendela...Naa U do tou vha tendela u zwi ḋivha, Khotsi, uri mbiluni yanga, zwine nda khou zwi amba? Ndi a humbela. Ndi rabela uri U do ita hezwo. Vha fhaṭutshedze, vhoṭhe.

<sup>51</sup> Ri fhaṭutshedze zwino musi ro lindela Ipfi Lau, lwa zwifhinganyana zwi si gathi hu sa athu vha na tshumelo ya ndovhedzo. Ri thuse u amba izwo zwi re zwone. Ri thuse, kha uyu Mulaedza madekwana a ḥamusi, mukulo wanga wo oma zwiṭuku. Ndi rabela uri U do nthusa, Mudzimu a funwaho, na uri U do vhuya wa fhodza vhalwadze na vha ḫupheaho vha re vhukati ha vhathu. Ngauri ri zwi humbela Dzinani ja Yesu. Amene.

<sup>52</sup> Zwino, arali ni tshi do funa, lwa zwifhinganyana zwi si gathi zwi tevhelaho, kha ri fhende kha Bugu ya Vharoma, ndima ya vhu6.

Oo, imani. Ndi tenda uri ndo wana...Ndi ri, ndo wana dzo engedzeaho mbudzi...Ndi ri, ndi do tou fhindula idzi vhusiku ha Lavhuraru, arali izwo zwo luga. Nne ndo fhedza, ho no lengeswa zwino. A tho ngo dzhiela nzhèle idzo dzi re afho u swika zwino.

Zwino, Vharoma ndima ya vhu6, kha ri vhale.

*Naa ri do ri mini-ha? Ri ise phanda na tshivhi, uri tshilidzi tshi hudzedzwe?*

*Mudzimu ha tendi. Naa riñe ro faho kha tshivhi, ri kha di do kona u tshila hani khatsho?*

*Naa a ni zwi ḋivhi, zwauri vhanzhi vho...vhashu ro lovhedzwaho kha Yesu Kristo ro lovhedzelwa kha lufu lwawe?*

*Ngauralo-ha ro swiṭwa nae kha ndovhedzo: uri vhunga Kristo o vuswa vhafuni nga vhugala ha Khotsi, na riṇe ri tshimbile vhutshiloni vhuswa.*

*Ngauri arali ro ṭavhiwa roṭhe nga tshifanyiso tsha lufu lwawe, ri ḍo ralo nga tshifanyiso tsha mvuwo yawe.*

<sup>53</sup> Arali ndi tshi tea u dzhia ḥinwalwa madekwana a ḥamusi, lwa miniti i no ḫodou swika fumbili, ndi ḫo amba izwi, “u bādekanyiwa,” *Rō Bādekanyiwa Na Kristo*.

<sup>54</sup> Ni a ḫivha, hu na, shangoni ḥamusi, vhathu vhanzhi nga maanda vha sa fusheiho. Huno zwi a mangadza, musi ni tshi mona-mona huno na wanulusa u sa fushea hunzhi nga maanda. Vhathu a vha ḫivhi na zwine vha ḫoda u ita. Vha a tsa nga ḫilila nga maela dzi no ḫodou swika fusumbe na fumalo nga awara, kha zouni ya maela dza furaru; vha suvhisa dzibiriki huno vha khona khudani, huno vha thoma nga luvhilo luhulu u swika vha tshi fhisa mathaela avho lwa hafu, vha tshi ya bulokoni ya mudi, u dzula na u amba lwa tshifhinganyana. Hu vhonala hu tshi nga vhathu a vha ḫivhi zwine vha ḫoda.

<sup>55</sup> Vhaiwe vhavho vha a dinalea nga maanda u swika vha tshi tsela vhengeleni ḫa zwikambi huno vha ḫirengela bodelo ḫa mulimo wa mbevha, esidi ya salifa kana tshiñwe tshithu, huno vha ḫivhulaha. Vha vha wana vho edela vho fa. Vhaiwe vha ḫo rembulusela dzhethet dza gese dzavho lufherani, kana vha dzula mimodorokarani yavho vhe na phaiphi ya gese ya khabonimonokosidi, vha tshi khou lingeda u ḫuwa vhutshiloni. Vhaiwe vhavho vha ḫo namela boroho, huno vha ḫwala luñwalo luñuku huno vha lu nambatedza kha badzhi yavho, huno vha i vhea fhasi, huno vha diposesla lufuni mulamboni; vha tshi fhufha vha tshi bva dzithavhani, thawa dzi re ḫtha. Huno vhaiwe vha ḫo dzhia pisitolo huno vha i vhea kha ḫohoz dzavho, huno zwa vhukuma vha thuthubisela maluvhi avho nn̄da. Vha tou vha sa fushei.

<sup>56</sup> Zwibadela zwo ḫala vhathu vha sa fushei. Zwiimiswa zwa vho fhiriñanaho mihibulo zwi a dalesa. A vha fushei! A vha ḫivhi zwine vha ḫoda. Hu vhonala hu tshi nga hu na tshiñwe tshithu tshire vha khou tshi hovhelela, fhedzi vha tou vha sa swiki khatsho.

<sup>57</sup> Huno nahone ri wana uri, mahaya, ane a vha muṭodo wa lushaka na-na wa tshiyhidzo, ri wana mahaya o kwashua, huno khothe dza ḫhalano dzo dalesa miṭalano. Vhukundavhalai, ha-ha vhomme vha no khou sia vhana vhañuku vhavho na vhaleli huno—huno vha tshi ya, nn̄da u yo shuma na huñwe fhethu, ngeno vhanna vhavho vha na mishumo yavhuđi, fhedzi vha tou vha vha sa fushei u vha mme huno vha dzula hayani. A vha fushei u ambara vhunga vhafumakadzi. Vha—vha ḫoda u ambara vhunga vhanna.

Vhanna vha ṭoda u vha vhunga vhasadzi. Huno vha tou... Hu tou vhonala hu na tshiñwe tshithu tsho khakheaho, huñwe fhethu. Huno vhathu vha khou hovhelela tshiñwe tshithu, huno a vha koni u tshi wana. Iyo ndi nyimele i pfisaho vhuṭungu u vha ngomu hayo.

<sup>58</sup> Vho no sedza huñwe na huñwe, u wana tshiñwe tshithu, u diitela tsumbo. Riñe ri dzhia vhasadzi vha ḫuvha ḫashu, vha do sedza thelevishini u swika vha tshi vhaba iñwe filimustaa. Kana, u do bvela nn̄da, o ambara nga iñwe ndila, huno vhasadzi vhothe vha do ṭoda u ambara vhunga ene, kana u ita vhunga ene, vha mu ita tsumbo. Vhañwe vhasidzana vha lunako, vha tshi kha ḫi tou vha u pupumani ha vhuṭshilo, vha do lingedza u ḫidzhiela paṭeroni, huno vha lingedza u ita iñwe filimustaa tsumbo ine vha tea u tshimbila ngayo. Huno mafhedziselonii vha diwana vho fashiwa kheidzhini ya tshivhi ine vha si kone u bva ḫayao. Zwi pfisa hani vhuṭungu nandi! Ni tshi vha vhaba vha tshi dzhena ngomu muṭanganoni, miṭodzi i tshi elela maramani avho, fhedzi vha khou zwima tshiñwe tshithu.

<sup>59</sup> Ri dzhia vhanna. Vhanna, ni vha fara tshiṭaraṭani kana binduni ḫavho. Munna wa kale u ṭodou vha muswa. U do ḫunya mavhudzi awe, kha ḫohoh ya tswavhelele, huno a ita mu—mutshila wa sekwa murahu. U ṭodou vha muswa. Muswa u ṭodou nga iñwe ya idzi khosi dza roko-na-rolo. Naa vha fheleledza ngafhi? Tshivhini na ḫonini.

<sup>60</sup> Munna u vhonala a sa fushei. U khou gidima huñwe na huñwe. Vha do dzhia, vha thetshelesa radio, u itela miswaswo na zwithu zwine avha vhadziamiḍahe vha ita. Huno vha do ya nn̄da huno vha lingedza u edza kana—kana u ita vhunga avho vhathu.

<sup>61</sup> Inwi ni dzhia mutukanyana tshiṭaraṭani. Nga ndila ine nda zwi ḫivha nandi! Huno u tea u vha Pàladin, kana Hopalong Cassidy. Kana... Huno shango la makwevho li a fara hezwo huno la ita ḫolara dza dzimilioni ngazwo. Vha tea u vha Roy Rogers, kana vhone—vhone Vho-Dillon, kana—kana iñwe mbekanyamushumo ya zwiambaro ya thelevishini.

Vha khou lingedza u edzisela uyo muthu. Vha vha vhea sa tsumbo. Vho vha dzhia sa muelo wavho—wavho wa vhuṭshilo. Huno vha wana mini magumoni a ndila? Avho vhathu vhaṭuku vha fhedza vhe vhageu na mavemu. Vhasadzi vha fhedza vhe vhabengisamuvhili, na—na vha tshimbilaho tshiṭaraṭani, na—na vhathu vha vhabengisamuvhili. Vhanna vha fhedza vhe vhabengisamuvhili, nahone, “Vhafuni vha dakalo u fhira vhabuni vha Mudzimu.” Zwivhidzo zwi lingedza u edzisela tshiñwe tshivhidzo, tshivhidzo tshihulu.

<sup>62</sup> Ri tou vhonala ri tshi vhaba, a hu na u fushea vhabati ha vhathu. Naa vha ita... .

Naa ndi mini tshi no vha ita uri vha zwi ite? Ndi nga ḫwambo wa tshivhangi. Ndi mvelo. Mudzimu o vha nea

iyō mvelo. Vha na mvelo i no vha ita uri vha ṭode u vha na tshiñwe tshithu tsha u dibadekanya natsho. Vha fanela u vha na tshiñwe tshithu tshire vha ṭodou nga tshone, tshiñuwedzi vhutshiloni.

Vha ṭodou vha filimustaa, kana khawaboyi, kana—kana tshiñwe tshithu tsha uyo muhumbulo.

<sup>63</sup> Ndo vha ndi tshi khou pfa kha radio, ndi tshi ḍa hayani, he muñwe munna muhulwane wa Muñaliana, ngei Denver, a vha a tshi khou lingedza u tamba ene Hopalong Cassidy, tshiñwe tshithu, tshi re na tshigidi tsho ṭaṭelwaho. Huno vhudzuloni ha hoyo, u khou yo vha ene Chester, vhutshiloni hawe hothe. O thuntsha khokhola yawe ya bva. Khezwo.

<sup>64</sup> Fhedzi vha khou lingedza u wana tshiñwe tshithu tsha u dibadekanya natsho. Tshi itisaho uri vha zwi ite, ndi ngauri hu na tshiñwe tshithu khavho. Huno Mudzimu o vha ita hezwo.

Fhedzi Mudzimu o vha itela tsumbo ine vha tea u badekanywa nayo, huno iyo yo vha i ya musi A tshi ita Yesu Kristo uri a vhe Mutshidzi wanu. Iyo ndi yone tsumbo. Iyo ndi yone ine vhatu vha i ṭoda, vha tea u ṭoda u bađekanywa na Yesu, u fana Nae.

<sup>65</sup> Arali vhatukanyana whothe vha no ṭoda u vha Hopalong Cassidy kana—kana vhañwe vha avha vhañwe; kana vhasidzanyana, vhone vho Annie Oakley na vhañwe-vho; arali fhedzi vho ṭoda u fana na Yesu, zwinzhisa sa zwine vha ṭodou fana na havho, zwikolo zwa Swondaha zwo vha zwi tshi ḍo dalesa, huñwe na huñwe. Arali vhasadzi vha no ṭoda u nga ñiñwe filimustaa, vha tshi ḍo ṭoda u fana na Yesu; tshivhidzo, mulandu, na kathihi vho vha si nga tei u dzhia munikel. Zwa vhukuma.

<sup>66</sup> Mudzimu o ita munna uri a vhe na lutamo lwa u vha na tsumbo. Huno Mudzimu o mu ñea tsumbo. Iyo tsumbo ndi Yesu Kristo, u bađekanywa Nae.

<sup>67</sup> Zwino, arali ri tshi ḍo vha vha no nga Ene lwo engedzeaho, zwenezwo ho vha hu si nga vhi na zwigwili zwinzhi nga maanda shangoni. Ho vha hu si nga vhi na vhañwe vhana-vho vha re na ndala shangoni. Ho vha hu si nga vhi na irwe wisiki, kana u nwa, kana u gembula. Mudzimu o ri ñea tsumbo ine ra tea u fana nayo, fhedzi ri hana u vha Yone. Zwino, iyo ndi yone thaidzo kha shango. Vha na lutamo, Mudzimu o vha ñea lwone, fhedzi vho lu rembulusela thungo yo khakheaho. Ndi tshifhinga tsha u vhuya murahu huno na dzhena ndilani i re yone, huno na thoma u livhana na Khalivari. Mvelo i a zwi sumbedza.

<sup>68</sup> Zwino, arali vhatu vha jino ḫuvha, vhe na ulwo lutamo luhulwane na tshililo tshihulwane tsha u ṭodou fana na muñwe muthu, sa tsumbo. Arali vho dzhia Kristo sa tsumbo

yavho, zwenezwo ro vha ri tshi do vha na... Ro vha ri tshi nga pandela pholisa liñwe na liñwe le la vha li hone, kha lushaka. Muñwe na muñwe o vha a tshi do vha na vhulenda huno a diñukufhadza. Muñwe na muñwe o vha a tshi do vha na vhuthu huno a vha na u funa vharathu, muñwe kha muñwe. Na kathihi ho vha hu si nga vhi na mulandu wa ñhalano ye ya vhuya ya phuphuthelwa shangoni lashu. Ho vha hu si nga vhi na vhunwe vhulwadze-vho. Ro vha ri tshi nga vhuya ra balanganya zwibadela, arali muñwe na muñwe o lingedza u ita Yesu Kristo tsumbo yawe. Ro vha ri si nga vhi na ñhodea ya tshiñwe tshithu-vho.

<sup>69</sup> Ngauralo, iyo mvelo i kha muthu, fhedzi u i vhea kha tshithu tsho khakheaho. U ita muñwe muthu... Huno ni a ñivha, Bivhili yo amba, zwauri, "Rine ro seña musi ri tshi ita ñama vhudzulo hashu. Musi ni tshi lingedza u ita ñama vhudzulo hañu, kana u vhea fulufhelo ñanu kha ñama," Bivhili yo ri, "no seña."

Nga ndila ine nda ñivha zwavhuñi nandi! Zwi a leluwa nga maanda u zwi ita.

<sup>70</sup> Ngezwi zwine zwa vhanga vhunzhi hazwo, ndi zwitannde zwa mafhungo zwashu zwo ñalaho magazini dza mikhwa mivhi; mahaya ashu o ñala zwifanyiso zwa vhathu vha kungaho. Zwikirini zwashu zwa mafhungo na kathihi a zwi nanguludzwi; zwo ñama tshothe, zwi kona u ita lushaka luñwe na luñwe lwa miswaswo, kana—kana zwa ita zwithu zwi ofhisaho. A hu na lukuna vhukati hashu, a hu tshe na. Ndi a zwi ñivha uri ni elekanya uri ndi khou kondisa lu shavhisaho kha hezwo. Fhedzi ndi... Muñwe muthu u tea u kondañha kazwo. Zwi tea u tou itwa.

<sup>71</sup> Musi ndi tshee mutukanyana, ndo vhala bugu ya *Tarzan, The Apes*. Mma vho vha vhe na tshali ya vhukuse ya kale ye Vho-Mme Wathen vha vha ñea yone, yo vhwewa phanða ha dirowa. Nda tshea itscho tshithu nda diitela swuthu ya Tarzan, huno nda edela murini vhege yothe. Ñdo vha ndi tshi khou toða u vha Tarzan. Zwenezwo musi ndo vhala bugu *The Lone Star Ranger*, nda bva ndo namela mufhini wa luswielo, lu bere ya kushumoshumo, ndi tshi khou lingedza u vha Mulindadaka wa Lone Star.

<sup>72</sup> A si zwine zwa fhira zwine vhathu vha do ita. Ndi zwine na vhala, muzika une na u thetshlesia.

Ni dzhena ngomu khefini, huno iyi roko-na-rolo ya kale, a zwi mangadzi vhathu vha tshi penga. Izwo zwo edana u ita uri muthu a penge.

<sup>73</sup> Fhedzi, oo, ndi do livhuwa, kha Vhutshilo-tshothe hothe, kha ñuvha lithihi le ñda vhala nga ha Yesu. Izwo zwo mpfusha. Ndi ñodou fana na Ene. Ulwo ndi lutamo lwanga, u kona u ñekedza liñwe shama, kana u tshimbila maela ya vhuhili. U

kona u hangwela, musi zwo<sup>the</sup> zwi sa khou ni tshimbilela, ni songo fara nnyi na nnyi nga mbilu. Naho vha sa khou ni fara zwavhu<sup>di</sup> nga pfanelo, kana nga ndila yo khakheaho nga nthani ha u ita hanu zwi re zwone, fhedzi ni di vha funa. Iyo ndi ndila ine nda ḥodou vha ngayo. Ndi ḥodou vha ulwo lushaka lwa muthu. Ndi ḥoda u kona, uri, musi ndi tshi holedziwa, ndi si holedze. Ulwo ndi lushaka lwa tsumbo ye Mudzimu a ri nea yone nga Yesu Kristo. Ri tea u bađekanywa Nae. Ro ralo.

<sup>74</sup> “Naa... Naa ni vha hani o bađekanywaho Nae,” ni do ralo, “Mukomana Branham? Zwino, u wana...ni tea u ambara vhunga vhomakone vha Hollywood huno na ita izwi zwi<sup>nwe</sup> zwithu zwo<sup>the</sup>. Fhedzi ni vha a bađekanywaho hani na Yesu Kristo?”

Tsha u thoma, ni a shanduka kha zwe no no di zwi itaho. Huno zwenezwo ni bađekanywa Nae, hafha dzivhani. A hu na u timatima uri vhanzhi vha do bađekanywa Nae, nga miniti i si gathi. Dzivhani, ni bađekanywa Nae ndovhedzoni. “Ngauri arali ro swi<sup>twa</sup> kha Kristo, ro bađekanywa kha lufu Lwawe, u swi<sup>twa</sup>, na mvuwo.” Ndi ngazwo ri tshi lovhedzwa. Ri tsela phasi ngomu madini, ra vhuya n̄ha u tanziela zwauri ri tenda kha lufu, u swi<sup>twa</sup>, na mvuwo ya Yesu Kristo. Huno arali ri tshi t̄avhiwa nga tshifanyiso Tshawe, lufuni Lwawe, Mudzimu o ri nea pfulufhedziso: ri do fana na Ene, kha mvuwo.

<sup>75</sup> Dibađekanyeni na iñwe khosikadzi ya filimu, huno ni vhone hune na do vha hone. Dibađekanyeni na iñwe khawaboyi, kana muñwe muswa, huno ni vhone hune na do vha hone.

Fhedzi ndi ni itela khaedu, madekwana a ñamusi, dibađekanyeni na Yesu Kristo, lufuni Lwawe, kha mvuwo Yawe, huno ni vhone hune na do vha hone ngei kha mvuwo. “Ngauri arali ri tshi tambula Nae, ri do vhusa Nae.” Mudzimu o ri nea pfulufhedziso. Lutamo lwanga lwo<sup>the</sup> ndi u fana na Ene.

Nnzchie, Oo Murena, huno u mmbumbe nahone u nnyite. Nnee tshivhumbeo hafhu. Vhunga muporofita we a tsela phasi nduni ya muvhumbi, nkwashe huno u dovhe u mmbumbe.

<sup>76</sup> Kha Testamente Ndala, musi munna a tshi ḥodou bađekanywa ngei nduni ya Mudzimu, o dzhia tshithu tshire tsha si vhe na mulandu tsho<sup>the</sup> tshe a kona u tshi wana, ngwana. Huno o zwi divha zwauri ngwana yo vha i si na tshivhi, ngauri yo vha i sa divhi tshivhi. Huno a ya, huno a dzhia ngwana, huno a vhea tshanda tshawe kha ḥoho yayo, huno a bula zwivhi zwawe. Huno nga lutendo, a fhirisela zwivhi zwawe kha ngwana, huno u sa vha na mulandu ha ngwana ha vhuya khae. Huno zwenezwo ngwana ya fa, ngauri yo vha i muitazivhi. Huno munna a tshila, nga nyito ya lutendo, ya u thetshalesa zwe Mudzimu a amba. Fhedzi o ita mini? O humela heneffo murahu a tshi bva thembeleni, e na lutamo lwonolwo luthihi lwe a vha e nalwo musi a tshi

dzhena. Ngauri, musi iyo sele ya malofha i tshi kwashea... Zwine, vhutshilo vhu thoma kha sele nthihi ya malofha. Huno musi iyo sele ya malofha yo kwashea, vhutshilo ha ngwana vhu nga si kwakwane, kana ha vhuya murahu ngomu ha vhutshilo ha muthu, ngauri ho vha vhu vhutshilo ha phukha. Munna o bvela nda e na lutamo lwonolwo luthihi lwe a vha e nalwo, ngauralo-ha o ita zwivhi a sa fhidzi, tshifhinga tshothe, hafhu.

<sup>77</sup> Fhedzi hu da tshifhinga musi Mudzimu o ri itela tsumbo, huno O ri nea Murena Yesu. Huno musi muitazwivhi a tshi vhea zwanda zwawe kha thoho Yawe ya vhuthogwa, huno a bula zwivhi zwawe, huno zwivhi zwawe zwa shandukiswa kana—kana zwa fhiriswa zwi tshi bva kha muitazwivhi zwa ya kha Yesu; huno u sa vha na mulandu ha Yesu ha fhiriselwa, nga Muya Mukhethwa, murahu ngomu ha uyo muthu. “Ndiene tshivhumbwa tshiswa kha Kristo Yesu.” Afho ndi hone hune nda todou badekanywa. Bivhili yo ri, “Ene, a sa divhi tshivhi, o itwa tshivhi u itela riñe.” Tsho itisaho uri A tambule ho vha hu u itela zwivhi zwashu. Huno a zwi fhiri zwine zwa vha zwone, a zwi fhiri mushumo washu wa u sedza izwi zwithu huno ra vhona uri ulu lutamo lune ra vha nalwo, lwe Mudzimu a lu vhea ngomu hashu, u sika ngomu hashu, u ri ita uri ri töde u fana na Ene.

<sup>78</sup> Huno zwino, arali ni tshi nga kona u zwi vhona, nga lutendo, musi lutamo lwa vhukuma lu tshi nga vhuya lwa ni kwama, idani phanda, ni badekanywe Nae ndovhedzoni. Huno zwenezwo musi ni tshi tavhiwa nga tshifanyiso tsha lufu Lwawe, na inwi ni do vha na mukovhe kha tshifanyiso Tshawe, kha mvuwo. Ngauri musi A tshi bva tshaloni, O vha e Yesu a sa shanduki we a dzhena ngomu tshaloni. “Huno arali riñe ra vha kha Kristo...” Naa ri dzhena hani? Nga ndovhedzo ya Muya Mukhethwa. “Nga ilo duvha ri do bvelela huno ra vha na mukovhe kha mvuwo Yawe.”

Ho vha hu tshi anzela u vha na luimbo lułuku lwe nda vha ndi tshi anzela u lu imba, miñwaha yo fhiraho.

U fana na Yesu, u fana na Yesu,  
Kha lifhasi ndi tulutshela u fana Nae;  
Hothe kha lwendo lwa vhutshilo, u bva kha  
lifhasi u ya Vhugalani,  
Ndi humbela fhedzi u fana Nae.

Mukungwani wa Betlehema ho bvelela  
Mutsinda, (Mutsinda, kha shango)  
Kha lifhasi ndi tulutshela u fana Nae;  
Hothe kha lwendo lwa vhutshilo, u bva kha  
lifhasi u ya Vhugalani,  
Ndi humbela fhedzi u fana Nae.

<sup>79</sup> Ivhani na mukovhe kha vhulenda Hawe, ni do vha na mukovhe kha maanda Awe. Ivhani na mukovhe kha u

thetshelesa Hawe, huno ni do vha na mukovhe kha muwo Yawe. Itani vhunga Mudzimu o amba uri ni ite. Mbiluni yanga, tshithu tshihulwanesa tshine ndi nga tshi elekanya, ndi u fana na Yesu Kristo, u badekanywa Nae. Heneffo ndi ngazwo ndi tshi lovhedza vhathu nga Dzina la Yesu Kristo, ngauri ndi Ene u badekanyiwa hashu. Ro hwala u badekanyiwa. "Na tshini tshine na ita nga ipfi kana nyito, tshi iteni nga Dzina la Yesu Kristo, ni tshi nea Mudzimu thendo khazwo." Huno ri badekanywa Nae ndovhedzoni.

<sup>80</sup> Madekwana a qamusi, ri khou yo lovhedza, nga miniti i si gathi fhedzi, vhathu hafha lufherani, vha re fhano u lovhedzwa. Huno arali hu na luñwe lutamo-vho mbiluni yañu, lune na lu ñoda, ni na tshiñwe tshililo-vho tshihulwane tsha shango, rembuluwani khazwo zwa zwino. Vhudzani Mudzimu uri ni a disola uri no vha ni tshi ñoda u vha muñwe muthu muhulwane wa shango. [Tshikhala kha theiphi—Mudz.] I ri ni, "Murena, tshililo tshanga tsho vuledzeaho ndi u fana na Yesu." Idani nga vhulenda, nga u ñitukufhadza, zwenezwo, musi ni tshi vhea zwanda zwañu kha Thoho Yawe, huno nga lutendo na bula tshivhi tshanu. I ri ni, "Murena, ndi a disola ndo zwi ita." Zwenezwo hu do bvelela mini? Mudzimu u do fhrisela mulandu wañu wothe Khae, huno a dzhia u sa vha Hawe na mulandu a u vhea murahu kha inwi. Huno ni ima no itwa o lugaho, Vhuhoneni ha Mudzimu, ngauri no tenda kha Yesu Kristo, Murwa Wawe. Ndi puñane-de ya tshidzo nandi! Zwenezwo ni do vha na mukovhe kha vhugala Hawe. Vhuñi ha Mudzimu vhu do dzhena ngomu mbiluni yañu. Maanda a muwo Yawe a do ni ita muthu muswa. A do fusha u ñulutshela huiwe na huiwe.

<sup>81</sup> Musi ndi tshee mutukana, ndo lingedza u ita tshiñwe na tshiñwe. Ndo—ndo ita tshiñwe na tshiñwe tshe nda vha ndi muhulu lwo edanaho u tshi ita. Huno vhunzhi ha zwithu zwe nda vha ndi si muhulu lwo edanaho u zwi ita, ndo lingedza. Ndo vha ndi tshi anzela u funa, ndi a funa, u zwima. Ndo elekanya zwauri izwo ndi zwone. Ndo elekanya uri arali nda . . . Khotsi anga vho vha vhe munamel. Huno ndo elekanya, "Arali ndi tshi nga vhuya nda swika Vhukovhela huno nda kwasha bere dzavho!"

Fhedzi, mukomana, nga tshiñwe tshifhinga kule hangei ntha dzithavhani ngei Arizona, ndi tshi khou disa sambi la kholomo, vhuñwe vhusiku. Ndo vha ndo dzula heneffo. Huno mutukana ane dzina a pfi Slim o vha e na gamu ya kale, hu na tshipida tsha bammbiri khayo. O vha a tshi khou tambo. Muñwe muthu o dzulaho heneffo, a bvaho Texas, e na kañara, a tshi khou i lidza a sa koni. Huno vha ña nga ngosha. Ndo vha ndo no bvisa sale yanga kha bere; ndo ededza ñoho yanga, ndi tshi khou i shumisa sa tshisiamel. Huno bai ñanga lo vha li nga ntha hanga, huno nñe ndi ngomu heneffo, nahone ndi tshee ndo ambara mabutswu anga, phere ya zwipere yo mpfara nga ntha ha mavu. Huno a thoma u lidza a sa koni.

Fhasi tshifhambanoni he Mutshidzi wanga a fa,  
 Fhasi heneffo u kunakiswa tshivhini he nda hu lilela;  
 Heneffo kha mbilu yanga Malofha o shumiswa;  
 Vhugala kha Dzina Lawe!

<sup>82</sup> Nda lingedza u kokodzela bai n̄tha, huno nda imisa n̄devhe dzanga. Ndo vha ndi tshi sedza n̄tha, huno naledzi dzo nembelela fhasi. Huno iyo mipaine i hevhedzaho dzithavhani yo vhonala i tshi lila, “Adamu, naa u ngafhi?”

Oo, u fuwa dzikholomo tsho vha tshi tshithu tsha vhuvhili. Ndo vha ndi tshi khou ḥoda u wana Mudzimu. Kule murahu ngei nnda, ndo rahiwa nga phere ya izwo zwipere, nda ri, “Mune wanga, a thi divhi uri U nnyi, fhedzi u songo mphanisha u swika ndi tshi kona u wana tshithu tsha vhukuma.”

<sup>83</sup> Nga murahu ha mađuvha mavhili nga murahu ha hezwo, fhasi muđini, ndo dzula heneffo, na nga murahu ha mađuvha a si gathi nga murahu ha hezwo, nga murahu ha u kuvhanganya. Ndo vha ndo dzula heneffo n̄tha ha bannga thukhu ya kale ya phakha. Musidzanyana wa Tshipenishi a da. Huno ndo vha ndo dzula heneffo, ndi tshi khou elekanya nga ha Mudzimu, “Naa Tshi nga vha tshi mini?” Musidzanyana, wa kale a da, huno nne ndi tshi tou vha mutukana wa miňwaha i no todou swika fumimalo. A wisa sagaduku yawe huno a fhira. Nda ri, “Musadzi, wo wisa sagaduku yau.” Mihumbulo fhedzi ya Mudzimu ya shandukisa lutamo lwanga. [Mukomana Branham u khokhonya kha phuluphithi kana—Mudz.] Mbilu yanga i shayaho ya Irishi yo vha yo farwa nga ndala. Ndo vha ndi tshi khou ḥoda tshiňwe tshithu, tshiňwe tshithu tshe tsha fusha.

<sup>84</sup> Mudzimu o nnea pfanelo ya u zwima, shangoni lothe, Afurika, India, u budekanya dzithavha, Canada, kha dzinwe nyendo khulwanesa, huno nda fasha rekhodo dza shango. Ndi zwo lugaho. Fhedzi a hu na tshithu tshire tsha do dzhia ayo Maanda a Mudzimu a tshilaho, u rumela Ayo kha muya wañu.

<sup>85</sup> Musi ndi tshi swika hangei, ndi funa dzithavha. Ndi funa u kovhela ha duvha. Ndi tou—tou gwela tshitanda fhasi, huno nda hunga bere yanga. Nda gonya, n̄tha ha dzithavha, huno nda dzula mađuvha mavhili, ndi tshi sedza fhedzi duvha li tshi bva na u kovhela, ndi tshi pfa goni li tshi ṭavha mukosi. Ndi zwavhuđi. Ndi funa u vha henengei. Fhedzi, mukomana, mbilu yanga i thoma u rwa na u divhitha, musi ndi tshi elekanya nga ha:

U sa kuna, u sa kuna, mimuya mivhi yo mu kherukanya.  
 Zwothe ndi zwavhuđi musi Yesu a tshi da u dzula.

Ndi thoma u elekanya nga ha vhathu vha lwalaho, na iyo mbidzo. Huno hu na tshiñwe tshithu ngomu hanga, tshi no vhidzelela, “Tsela fhasi u tshi bva kha idzi thavha nga u t̄avhanya. Tsela fhasi henengei kha vhathu.”

Ndi ḥodou dibadekanya sa mulanda Wawe vhukati ha vhathu Vhawe. Oo, nga ndila ine nda funa u dibadekanya Nae. Zwenezwo, malugana na hezwo, U a vhuya vhukati hashu huno a Dibadekanya na riñe. U fhano madekwana a ñamusi, khonani.

<sup>86</sup> Ndi tshifhinga zwino tsha uri tshumelo ya ndovhedzo uri i thome, nga miniti dzi no ḥodou swika fumi. Huno ndi ḥodou amba itshi tshithu tshithihi ri sa athu i ita, ri sa athu u i thoma. Yesu Kristo Murwa wa Mudzimu... Hu tou vha na mahumbulwa manzhi ane nda ḥodou a amba, fhedzi a thi na tshifhinga.

Yesu Kristo, Murwa wa Mudzimu, o Dibadekanya kha Ipfi Lawe. Yesu Kristo, Murwa wa Mudzimu, o Dibadekanya mutanganoni nga matsheloni ano, nga u nea vhuṭalukanyi. U a Dibadekanya nga u disa muitazwivhi a tshi bva kha ndowelo dza tshivhi, u ya kha muthu muswa, tshivhumbwa tshiswa. U dzhia musadzi wa fhasisa kana munna wa fhasisa, tshidakwa, phuli ya halwa, na tshine tsha vha tshone, huno a vha khakhulula huno a vha kunakisa, huno a ita nzhinga kana mufumakadzi ngavho. Uyo ndi Murena wanga. U dzhia munna a no lwala na u thuphea, nahone hu si na flulufhelo khae, huno a mu vusela kha vhuṭshilo vhuswa hafhu. Zwenezwo a bvelela vhukati hashu, huno a Dibadekanya sa Yesu a sa shanduki, u ñivha yeneyo mihibulo ya mibilu dzashu. A ima vhukati hashu, kha vhathu Vhawe, Mudzimu kha vhathu Vhawe, a tshi khou Dibadekanya. U fhano zwino, onoyo Muya Mukhethwa muthihi.

<sup>87</sup> Ri sa athu thoma uyo muṭangano ngomu hafha u itela ndovhedzo, musi vhakomana vha tshi khou lugisa, ndi a mangala izwi. Ndi a mangala uri hu na muñwe ngomu hafha a songo rabelelwoho, matsheloni a ñamusi, huno ni tshi lwala. Kha ri vhone tshanda tshañu tshi tshi ya nt̄ha. Imisaní zwanda zwañu arali ni tshi lwala nahone ni na thodea, huno ni songo rabelelwa, nga matsheloni a ñamusi. Hu si na garaña dza thabelo kana tshithu; hu tou—hu tou vha vhalwadze na vha thupheaho. Zwo luga.

Kha ri kotamise zwifhañuwo zwashu lwa tshifhinganyana.

<sup>88</sup> Murena, nga uyu mukulo wo vhoxwaho, ipfi lo rusaho, oo, ndi rabela uri U do ñupedza ngomu mibiluni, Mbeu, nga inwe ndila, ngomu mibiluni dza vhathu, zwauri ri fanela u badekanywa na Iwe. Ngauri, ndi murero wa kale hafha kha liphasi, “Tshiñoni tshi dihwa nga mithenga yatsho, huno munna u dihwa nga khamphani ine a vha nayo.” Huno, Khotsi wa Tadulu a funwaho, ri rabela zwauri U do vha khamphani yashu. Murena, kha ri vhe na Iwe, arali zwi tshi ri dzhiela

tshiñwe na tshiñwe tshine ra vha natsho kha ili liphasi. I ri ri badekanywe, sa, "Uyo munna zwa vhukuma u dzula na Mudzimu. Khamphani yawe ndi Mudzimu."

<sup>89</sup> I ri zwi ambiwe vhunga zwe zwa vha zwi zwone kha Petro na Yohane, nga murahu ha musi vho no fhira khoro i no pfi Yonakaho, huno a ri, "A thi na tshelede; fhedzi tshine nda vha natsho, ndi do u nea." Huno munna wa muholefhal a newa mutakalo. Huno musi vhe phanda ha dzikhothe, vhathu vho ri vho zwi ñivha uri vho vha vha sa ñivhi nahone vha songo funzwa. Vho vha vha si na pfunzo, fhedzi vho zwi ñivha uri vho badekanywa na lushaka lu re lwone lwa khamphani. Vho vha vhe na Yesu. Mudzimu, ulwo ndi lutamo lwa mbilu yanga, u badekanywa na Iwe, sa muñwe wa vhalanda Vhau, sa muñwe a no U funa, muñwe a no do vha wa ngoho kha Iwe, huno a vhulunga maambiwa a Bugu Yau, huno a ita zwe ñine nda ñivha u ita, zwi re zwone.

<sup>90</sup> Zwino, Khotsi, Iwe madekwana a ñamusi u do Dibadekanya vhukati hashu, uri vhathu vha kone u zwi ñivha uri itshi a tshi tou vha tshinwe tshithu, oo, tshiñwe tshifhinga tsha sipeshala, kana—kana tshiñwe tshithu tsha iyo nzudzanyo, Murena. I ri zwi ñivhee madekwana a ñamusi zwaauri U Mudzimu a sa shanduki we a vha e fhano nga matsheloni a ñamusi. Iwe u na Maanda eneo mathihi. Huno zwithu zwenezwo zwithihi—zwenezwo zwithihi zwe Wa ita nga matsheloni a ñamusi, U nga kona u ita hafhu madekwana a ñamusi. Wo fulufhedzisa uri zwi do vha hone nga ñuvha ja u fhedzisela.

<sup>91</sup> Vhanzhi fhano vho kundelwa u ñivha lutendo lwo edanaho. Ri rabela zwaauri Iwe u do vha nea lutendo zwino. Huno i ri Muya Wau u badekanyiwe vhukati hashu, ngauri Wo ri, "Mishumo ine Nda ita na ene u do ralo, a no tenda kha Nne." Ngauralo ndi a rabela, Mudzimu, uri U do badekanya uri U fhano na rine madekwana a ñamusi, nahone u... kha di ri funa. Huno U toda muthu muñwe na muñwe ngomu hafha, a sa athu lovhedzwa, u da huno a badekanywa na Iwe. Uri na vhone-vho vha kone u vha vha re na mukovhe wa itshi tshilidzi tshi mangadzaho tshine tshi nga kona u fhiriswa; u bva kha riñe u ya Khae, na u bva Khae u da kha riñe; mulandu washu Khae, na tshilidzi Tshawe kha riñe. Zwi tendele, Murena. Ipfa thabelo dzashu, musi ri tshi humbelä nga Dzina ja Yesu Murwa Wau. Amene.

<sup>92</sup> Ro ima murunzini wa khatulo kwayo yo lugaho ya Mudzimu. Tshifhinga tshothe vhavhili kana vhararu vho kuvhangana nga Dzina ja Yesu Kristo, O fulufhedzisa uri U do vha vhukati havho.

<sup>93</sup> Zwino, a thi ñivhi, ndi humbulela uri tshipiða tsha garaða dza thabelo tshi khou dzhiwa. Vhanzhi vhanu ni nga di vha ni tshi kha di vha na dziñwe. Vhanzhi vha vhoñwi a ni na garaða ya thabelo. A hu na thaidzo uri kana ni nayo kana a ni na.

Arali ni tshi lwala, ni a lwala. Huno arali... Uyu Mudzimu We a nwala iyi Bivhili, naa ni a tenda lwo khetheaho Khae? [Tshivhidzo tshi ri, "Amene."—Mudz.] Arali A tshi do vhuya hafhu vhukati hashu, u Disumbedza, nga nn̄da ha u rerwa ha Ipfi, uri U fhano, a tshi ita uri vhaftazwivhi vha tende uri U fhano; arali E fhano u fhodza vhalwadze, huno a tshi do dzumbulula tshivhangi, vhunga O ita musi O vha e fhano kha lifhasi, naa ni do tanganedza phodzo yanu nga dakalo? Arali ni tshi do ralo, imisani tshanda tshanu, huñwe na huñwe fhedzi. Rine a ri khou yo... rine a ri na... a thi nga divhi uri o vha nea garata dza thabelo dzifhio. A ri khou yo vha na garaña dza thabelo. Fhedzi, ni a rabela, nahone ni a tenda.

<sup>94</sup> Huno arali A tshi do ita nga u ralo, huno a tshi do Dibadekanya, ni tea u vha na ñtoni ni sa dibadekanyi Nae-ha. Inwi ni tea u zwi ita. Zwino, ngeyi khaedu i re tswititi. Tshivhidzoni nga matsheloni a ñamusi ro ñea garata dza thabelo, huno ra vha vhidzela alitarini, huno ra vha rabelela. Huno Muya Mukhethwa wo dzinginyisa nga tshifhinga tshihulwane tsho raloho, u swika ndi tshi vha pfa vha tshi nkokodza nga matungo, tsho vha tshi tshifhinga tsha u tuwa, ngauri ndo vha ndi tshi shaya nungo. Huno zwino, hafha ñne ndi khou ri, vhoiñwi vhanne na si vhe na garaña dza thabelo, kana tshirena vha tshone, no dzula ngeyo nn̄da kha vhathetselesi, ni ita khaedu. Ndi ni itela khaedu ya u ita izwi, u tenda uri nganea ye nda ni vhudza ya Yesu Kristo ndi Ngoho. Huno ni a rabela, arali ni tshi lwala. A hu na thaidzo...

<sup>95</sup> Nga matsheloni a ñamusi, ndo lingedza u vhona arali ndo vha ndi tshi nga wana vhathu vhe vha vha si na thaberanakele. Madekwana a ñamusi, a thi londi uri ni bva ngafhi. Inwi itonu rabela. Zwenezwo arali uyo Muya Mukhethwa muhulwane wa Mudzimu, une ra vha na tshifanyiso tshawo hangei, arali U tshi do da ngomu fhano vhukati! No no mpfa ndi tshi rera nga maanda nga hazwo, uri O ri fulufhedzisa zwithu, uri U do ita hezwo. Huno zwenezwo musi O vha e kha lifhasi, musi A tshi vhuya ngomu ñamani yashu, U do ita zwenezwo zwithihi. Zwino, arali ni tshi lwala, rabelani. Ndi ni itela khaedu!

<sup>96</sup> Itelani Mudzimu khaedu, ni ri, "Mudzimu, Mukomana Branham ha nn̄divhi. Ha divhi tshithu nga ha ññe. Fhedzi arali U tshi do tou mu tendela u rembulutshela kha ññe, wa ntendela u kwama tshiambaro Tshau, zwenezwo Iwe u ambe, ndi do zwi divha uri U na vhuñmani na itsi tshivhidzo." Tshivhidzo ndi vhatendi. "Zwenezwo ndi do zwi divha uri U a sa shanduki mulovha, ñamusi, na lini na lini." Huno ni rabele.

<sup>97</sup> Ndi tou pfa ndi tshi rangwa phanda u zwi ita. A thi divhi uri ndi ngani ndo ita, fhedzi ndi pfa ndi tshi rangwa phanda u zwi ita.

Zwino, arali ni tshi do takusa tshifhañuwo tshanu.

<sup>98</sup> Henehafha, o ntsedzaho, ndi musadzi muṭuku we a imisa tshanda tshawe nga *iyi* ndila, a tshi khou rabela, miniti dzi si gathi fhedzi dzo fhiraho. Nahone u khou rabelela muṇwe muthu-vho nga nda ha ene muṇe. Na kathihi a thi athu vhona uyo musadzi vhutshiloni hanga, u ya nga hune nda divha. Ndi mutsinda tshothe-tshothe kha nne. Fhedzi u khou rabelela ḥwananyana wawe, ngā ha muaro. Inwi a ni vhuyi na bva kha lino shango. Ni bva Texas. Ilo ndi U RALO MURENA. Naa ni na garaṭa ya thabelo? A ni na? A ni ḥodi iñwe. Tendani nga mbilu yanu yothe.

<sup>99</sup> Naa ndo zwi divha hani zwe na vha ni tshi khou rabela nga hazwo? A ni koni u vhona? Mudzimu wa Ṭaḍulu u dzumbulula zwiphiri zwa mbilu. Naa Daniele ho ngo zwi amba izwo nga ḫuvha ḥawe? Mudzimu u dzumbulula zwiphiri zwa mbilu.

<sup>100</sup> Hu na mufumakadzi o dzulaho tsini hanu henehfo. O vha o zwi takalela nga maandā. O vha e na vhuleme ha mbilu, huno u khou ḥodou rabelelwa. Ngauralo arali ni tshi do tou vhea tshanda tshaṇu khae. Zwo luga. Zwino, inwi humelani murahu Chicago huno ni wane mutakalo. Amene. A thi divhi uyo musadzi, na nne, a thi divhi tshithu nga hae. Fhedzi Mudzimu u a ni divha. Ni a vhona?

U khou Dibadekanya na riñe. “Arali inwi ni tshi nga tenda, zwithu zwoṭhe zwi a konadzea.”

<sup>101</sup> Uyu musadzi muṭuku, wa Muyuda o dzulaho hafha, o vha a tshi khou rabela, na ene-vho. Izwo ndi zwone. Inwi no vha ni tshi khou nthabelela uri ndi ambe tshiṇwe tshithu kha inwi. Ndo vhona vhuleme hanu nga matsheloni a ḥamusi, fhedzi ndi tou vha ndi songo i vhidza. Fhedzi iyo milenzhe yo ni dinaho, i khou yo wana mutakalo. Ngauralo ni songo tsha vhilaela nga ha hezwo.

<sup>102</sup> Inwi ni a tenda, na inwi-vho, mufumakadzi muṭuku o dzulaho hafha? Inwi ni ntenda uri ndi muporofita Wawe, mulanda Wawe? A thi ni divhi. Mudzimu u a ni divha. Fhedzi arali E Muya wa Mudzimu u re na riñe, zwenezwo U do ita vhunga Yesu o ita. Inwi no vha ni tshi khou rabela, huno hu vhonala hu tshi nga ndo kungelwa kha inwi. Hu na Muruṇwa wa Murena tsini hawe. Arali ni tshi do tenda, vhuleme ha mbilu yanu vhu ḥo guma, na aṭhiraithisi. Dzina ḥanu ndi Mufumakadzana Wisdom. Izwo ndi zwone. Inwi humelani murahu huno ni vhe na mutakalo, Vho-Mme Wisdom. Na kathihi a tho ngo vhona uyo musadzi vhutshiloni hanga.

Fhedzi, Ndi ene Mudzimu, arali ni tshi do tou zwi tenda.

<sup>103</sup> Hafha, sedzani hafha. Ni a vhona uyo mufumakadzi muṭuku o dzulaho henehfo e na tshanda tshi re ntha nga *iyi* ndila, kha mulomo wawe? Hu na... A ni vhoni itszo Tshedza tsho alamaho henehfo nga ntha ha musadzi henehfo? Zwino, sedzani, tshi tsela henehfo fhasi thungo yawe. Ndi khou vhona Tshi tshi kwasha. U

na vhuleme kha tshivhindi, u dinwa nga vhuleme ha tshivhindi. Ndi vhuleme ha tshavhuṭungu. Zwo luga, ni Vho-Mme Palmer. Izwo ndi zwone. Ndi a elelwa zwino uri ndi nnyi. A tho ngo tou vhona bono; ndi a ni vhona no dzula tsini na Mukomana Palmer. Izwo ndi zwone, khaladzi. Zwino, inwi ḥuwani huno ni vhe na mutakalo. Tendani, nga mbilu yaṇu yoṭhe.

<sup>104</sup> Hu na mufumakadzi muṭuku o dzulaho murahu hawe, na ene-vho, we a sedza nthā, a no nga o akhamala, henefho murahu hawe. Inwi ni elekanya uri vhuleme ha thanga ha avho vhana vhavhili vhu ḫo vha ḫutshela, khaladzi, na inwi, hafhu? Zwenezwo bvelani phanda na ndila yaṇu, hayani, huno ni pembele ni takale. Vheani ḫtshanda ḫtshaṇu kha vhushie, vhuvhili haho vhu na uvho vhuleme. Huno vhuleme haṇu ho ḥuwa, nahone. No fhola, nga Dzina ḫa Murena Yesu, vhoinwi noṭhe. Ni ḫo vha na mutakalo, ivhani na mutakalo.

<sup>105</sup> Ni a vhona uri Mudzimu a tshilaho u a tshila namusi? U tou vha muhulwane sa, huṇwe fhetu. A si Ene? [Tshivhidzo tshi ri, “Amene.”—Mudz.] Naa a ni ḫodi u baḍekanywa Nae? [“Amene.”] Zwa vhukuma, ni a ralo. Ngoho, ni a ḫoda u ralo.

<sup>106</sup> Zwino kha ri kotamise zwifhaṭuwo zwashu lwa tshifhinganyana. Ndi sa athu... Zwi nkula nungo nga maandā. Naa ndi vhangana vha no ḫoda u elelwa thabeloni zwenezwino, vha tshi ri, “Mudzimu, ivha wa khathutshelo kha mne. Nqne zwino ndi ḫodou tenda Murena Yesu. Ndi—ndi ḫoda vhuleme hanga hothe vhu tshi onyoloswa zwino”? [Tshivhidzo tshi ri, “Amene.”—Mudz.] Mudzimu a vhe na inwi.

<sup>107</sup> Murena, We a disa hafhu Yesu a tshi bva vhafuni, Mudzimu wa Taḍulu, ndi a U rabela, vhuimoni havho, zwauri iyi i ḫo vha awara ine vha ḫo tenda; vha ḫa phanda, arali vha sa athu zwi ita na kathihi, huno vha baḍekanywa na Yesu Kristo, hafha ngomu dzivhani ili, madekwana a ḫamusi. Ngauri Luṇwalo lwo amba, zwauri, “Arali ro swiṭwa Nae kha ndovhedzo, nahone ra vha na mukovhe Nae lufuni Lwawe, nahone ri ḫo vha na mukovhe kha mvuwo Nae.” Iyo ndi pfūlufhedziso. Huno Petro Mukhethwa muhulwane, wa kale, o amba uri riṇe ri, “Shanduke, huno ri lovhedzwe ngomu kha Dzina ḫa Yesu Kristo u itela khangwelo ya zwivhi, huno ri ḫo ḫanganedza tshifhiwa tsha Muya Mukhethwa.” Vhege iyi yoṭhe...

<sup>108</sup> Hafha ho dzula mazwale wanga, Murena, Loyce muṭuku, o farwa nga ndala, huno o farwa nga dora, huno u khou didzima, nahone o lindela. Ngei ho dzula khaladzi anga murahu hangei, o farwa nga ndala, huno o farwa nga dora, huno u khou didzima, nahone o lindela. Oo Murena, rumela Muya Mukhethwa zwenezwino nga inwe ndila, ngomu ha itshi tshifhaṭo, huno u kwame mimuya yavho nga Maandā a mvuwo. Huno ngavhe vha tshi takuwa nga milenzhe yavho, nga Maandā a mvuwo, huno vha baḍekanywa na Yesu Kristo kha mvuwo Yawe. Zwi tendele, Murena.

<sup>109</sup> Hangwela tshivhi tshiñwe na tshiñwe. Pfuka tshiñwe na tshiñwe tsho khakheaho, Khotsi, huno u ri ɳee tshilidzi Tshau, musi ri tshi rabela Dzinani la Yesu Kristo.

<sup>110</sup> Fhodza vhalwadze vhothe na vha thupheaho. Murena, U fhano. U Mudzimu. Iwe, Iwe u a Disumbedza, Mudzimu. Huno ri rabela uri, ri tshi ñivha mvelo ya Muya Wau, uri Wo ita zwithu zwi si gathi huno zwenezwo wa ngalangala khavho, wa ya huñwe fhethu-vho na ngomu ha muñwe mudi, na nnnda huno wa tuwa. Fhedzi Wo sia luswayo murahu, Iwa uri Mudzimu a tshilaho o tshila. Huno ndi a rabela, Murena Yesu, uri—uri izwi zwo vha mbonadzo kha mbilu dza vhathu, uri vha nga si hangwe na kathihi uri Muya Mukhethwa u hone u fhodza, na u tshidza, na u ñadza nga vhuði Hawe. Ri a rabela Dzinani la Yesu. Amene.

<sup>111</sup> Zwino, naa ndi vhangana fhano vha no tea u lovchedzwa? Naa ni ño imisa tshanda tshañu, we na lugisa zwithu zwañu. Inwi ni nga ñilugisela-ha maði, nga zwifhinganyana zwi si gathi fhedzi.

Huno zwino musi ro lindela Muya Mukhethwa, lwa zwifhinganyana zwi si gathi fhedzi. Naa ndi vhangana fhano vha sa athu tanganedza Muya Mukhethwa, huno vha tshi tama, vha tshi khou rabela vho ñifunga, u tanganedza Muya Mukhethwa?

Teddy, arali ni tshi ño funa, kana vhañwe vha vhoinwi, kha piano, nga u t̄avhanya. Ri khou yo imba dziñwe ngosha zwenezwino.

Musi, vhasadzi vha no khou yo dilugisela ndovhedzo, vha tshi ya nga hangeno lufherani *ulu*. Huno vhabba vha ya nga hangeno lufherani *ulu*, vha no khou ñilugisela ndovhedzo. Musi ri tshi khou ñilugisa, na riñe-vho, u itela tshiwo.

<sup>112</sup> Huno zwenezwo ri khou yo lindela Muya Mukhethwa u ña kha riñe, na u ri dzumbululela zwithu zwine Wa ñoda ri tshi ita.

Zwenezwo ri ño dzima mbone, kha holo khulu. Mushumeli u ño vha ngomu maðini nnnda—nnnda hafha, huno zwenezwo ri ño—ri ño vha na vhuñambo ha u lovchedza.

Lwa tshifhinganyana, ni sa athu dzima luvhone, Mukomana Evans. Ndi ñodou vhabla luñwe Luñwalo musi ro lindela, lwa tshifhinganyana fhedzi, arali ni tshi ño funa. Musi vha tshi thoma u ñilugisa, ndi ño takalela u vhabla luñwe Luñwalo hafha.

<sup>113</sup> Naa ndi vhangana vha no tenda zwauri Mudzimu ha na magumo? Ngoho. U fhano zwa zwino. Tshithu fhedzi tshire na tea u ita, u tanganedza Muya Mukhethwa, ndi u takuwa huno na U tanganedza. Mulandu, Maanda Awe o sumbedza uri U fhano. Naa ri nga vha hani na u timatima huñuku huthihi? Vhuhone Hawe ho fhañutshedzwaho, vhukhethwa vhu tshi khou tou t̄ambisa maya washu! Ndi pfa ndi tshi nga ndi nga

zhamba, nga ipfi langa lothe, nga ha vhudi Hawe. "Huno khathutshelo Yawe ndi ya lini na lini na u ya ho ya." U fhano. Mbilu yanga i khou swa, huno yo dala dakalo na dakalofulu, nga nthani ha Vhuhone Hawe.

<sup>114</sup> Vha sa athu dzima mbone, ndi todou vhala kha Mishumo, ndima ya 1.

Huno ndi a tenda uri munna muiwe na muiwe, mushumeli, kana muthu ngomu hafha, muevangeli, kana muewe-vho, uri hu do vha na izwi, zwauri, Mudzimu ha na magumo. Mudzimu a nga si kone u ita tshiinwe tshithu nga inwe ndila, huno zwenezwo a rembuluwa huno a ita *itshi*, a tshi ita—a tshi ita nga inwe ndila. U tea u tshi ita nga ndila i fanaho, tshifhinga tshothe. Naa Ho ngo ralo?

Iyi yo vha ndivhadzo yo bvaho ha Mudzimu.

*...Inwi vhanna vha Israele, ipfani aya maipfi; Yesu wa Nazaretha, uyo munna we a tendelwa nga Mudzimu vhukati hanu nga...zwimangadzo na zwiga, zwe Mudzimu a ita nga ene vhukati hanu, vhunga na inwi vhañe ni tshi zwi divha:*

Naa O ita lushaka-de lwa zwiga, u sumbedza uri O vha e Mesia? Nga u divha mihumbulo mbiluni dzavho. Naa ndi zwone? [Tshivhidzo tshi ri, "Amene."—Mudz.] Zwe Petro a amba, "Nga zwiga na zwimangadzo, Mudzimu o sumbedza zwauri O vha e Nae."

*Ene, o kumedzwaho nga mulayo wo vhewaho, u dzula o divha ha Mudzimu, no mu dzhia, huno nga zwanda zwivhi no Mu vhamba na mu vhulaha:*

*We Mudzimu a mu vusa, a vhofholola matungu a lufu: ngauri zwo vha zwi sa konadzei uri lu mu fare.*

*Ngauri Dafita o amba malugana nae, Ndo dzula ndo vhona Murena tshifhinga tshothe phanda ha tshifhatuwo tshanga,...u kha tshandà tshanga tsha u la, huno a thi nga do sudzuluwa:*

*Ngauralo-ha nne ndo ita, mbilu yanga i a pembela, huno lulimi lwanga lwo itwa uri lu takale; u fhira izwo...nama yanga i do awela i na fhulufhelo:*

*Ngauri iwe u nga si litshe maya wanga ngei vhudzulavhafu, nahone u nga si tendele Uyo Mukhethwa wau a tshi vhona u sina.*

*Iwe wo ndivhadza ndila ya vhutshilo; iwe u do nnyita uri ndi dale dakalo na zwifhatuwo zwanga.*

*Vhanna na vharathu, i ri ni ndi ambe na inwi ndo vhofholowa nga ha makhulukuku Dafita, o faho huno a swiwa, huno tshalo tshawe ri natsho u swika duvhani lino.*

*Ngauralo-ha e muporofita,...a tshi zwi divha zwauri Mudzimu o mu anela nga muano, zwauri mutshelo wa khundu dzawe, u ya nga ɿama, u do—u do vusa Kristo uri a dzule kha khuluqoni yawe;*

*Ene o dzula o zwi vhona izwi a amba nga ha mvuwo ya Kristo, zwauri maya wawe a wo ngo siiwa vhudzulavhafu, na ɿama yawe a yo ngo vhona u sina.*

*Uyu Yesu Mudzimu o mu vusa, ngauralo-ha riñe roþe ri dzithanzi.*

Oo, izwo zwi tou nnyanyula! Riñe ri kha di vha thanzi Dzawe. O vuswa vhafuni. U a tshila, madekwana a ɿamusi.

*Ngauralo-ha e kha tshanda tsha u la tsha Mudzimu o huliswa,...o no ɿanganedza ya—ya Khotsi pfulufhedziso ya Muya Mukhethwa, o no shulula uyu, une na u vhona zwino na u pfa.*

*Ngauri Dafita ho ngo gonya ngomu...taðulu: fhedzi o amba ene muñe, MURENA o ri kha Murena wanga, Dzula iwe kha tshanda tshanga tsha u la,*

*U swika Ndi tshi ita maswina au vhukando ha milenzhe yau.*

*Ngauralo-ha nn̄du yoþe ya Israele kha i divhe nga ngoho, zwauri Mudzimu o ita uyu Yesu a sa shanduki, we inwi...na mu vhamba, Murena na Kristo.*

Zwino, o vha a tshi khou amba nga luambo-de, lwe idzo nyambo dzoþe dza shango dza mu pfa?

*Zwino musi vha (vhathu) tshi pfa izwi, vha ɿavhiwa mbiluni dzavho, huno vha ri kha Petro na...vhañwe vhaapostola, Vhanna na vharathu, ri do ita mini?*

Tshifhinga tsho fhiraho, vho vha vha tshi “penga,” khavho. Zwino, nga murahu ha iyo theroy ya maanda ye ya vha i tshi khou ya kha lushaka luñwe na luñwe lwo imaho heneffala, “Vhanna na vharathu, ri nga ita mini?” Zwenezwo ha ða ndayamushonga. Zwenezwo ha fhi....

*Zwenezwo Petro a ri khavho, Shandukani, huno ni lovhedzwe noþe nga dzina la Yesu Kristo u itela khanguelo ya tshivhi, huno ni do ɿanganedza tshifhiwa tsha Muya Mukhethwa.*

*Ngauri pfulufhedziso ndi yañu,...kha vhana vhañu, na kha avho vha re kule, na vhanzhi vhane Murena Mudzimu washu a do vha vhidza.*

*Huno nga mañwe maipfi manzhi a ɿanzielah nahone a eletshedza, a tshi ri, Tshidzani inwi vhañe kha uyu murafho wo kombamaho.*

Arali ayo a si Mafhungo-madifha eneo mathihi ane ra khou a rera ɿamusi! “Tshidzani inwi vhañe kha uyu murafho

wo kombamaho." Zwiga zwinzhi na zwimangadzo zwi khou itwa, Vhuhone ha Yesu Kristo vhu khou sumbedza uri Ene muñe u a tshila. Huno ndovhedzo yeneyo nthihi ye ya ñewa ndaela henehafha, i ñewa ndaela henehafha kha phuluphithi, na yone-vho, madekwana a ñamusi.

*Zwenezwo vhe vha ṭanganedza ipfi lawe vho takala vha lovhedzwa: huno ḍuvha ḥenēlo ḥithihi ha engedzwa kha vhone nga vha no ḥodou swika mimuya ya zwigidi zwiraru.*

<sup>115</sup> Mudzimu a Funwaho, idzo, phera dzo ima dzo ḫala vhathu vha no khou badekanywa ndovhedzoni na Iwe. Ndi a U rabela, Murena, vhudzuloni havho, uri arali Iwe nga vhuthu u tshi ḫo tou, Murena, nga ino awara, musi vha tshi bva mađini, ngavhe hu tshi vha na tshinwe tshithu tshi no bvelela khavho, uri mimuya yavho i ḫale Muya Mukhethwa. Ngavhe vha tshi bvelela huno vha ḫutshela mađi, vha ya u vhonadza Iwe nga u rera Mafhungo-mađifha, vha tshi funza tshikolo tsha Swondaha, vha tshi amba nga dzindimi, vha tshi ḫalutshedza dzindimi, vha tshi ita zwiga, zwimangadzo na madembe, nahone, nga n̄tha ha tshinwe na tshinwe, lufuno lwa Mudzimu lu tshi fhisa mimuyani yavho, vhe na vhulenda, na u vuđa, na vhusifhelembilu, na u ḫitukufhadza.

<sup>116</sup> Murena, ndi vha kumedzela kha Iwe. Ndi vhone khaphu dza iyi mvuseledzo. Huno ndi rabela uri U ḫo vha vhulunga kha ndondolo Yau. Huno nga liñwe ḫuvha, vhunga n̄ne ndo ima hafha ndi tshi khou rabela nga ha Bivhili Yau, nga murahu ha musi ndo rera zwi bvaho Khayo, huno nda ḫanzilela nga mbilu yanga yothe zwine nda elekanya uri ndi Ngoho, vhunga U tshi ḫo nndzumbululela Yone.

<sup>117</sup> Huno, Murena, ro lindela ndovhedzo yavho, u tou fana na musi rothe kha vhathetshelesi ro lindela mvuwo. Huno nga liñwe ḫuvha, Murena, musi ro ima rothe kha mafhethu a Ṭadulu, ngavhe hu tshi ḫa mubvumo u bvaho Ṭadulu. Porompiṭa i ḫo lila, huno vhafu kha Kristo vha ḫo vuwa, u thoma. Ngavhe ri tshi ḫanganedzwa n̄tha Nae, u ḫangana na Murena tuyani, huno ra vha Nae lini na lini. Zwi tendele, Khotsi.

<sup>118</sup> Dzula u tshi ri ñea mutakalo, na u takala, na u ḫala mafulufulu. A ri humbeli tshelede. A ri humbeli zwithu zwi sa kondi. Ri humbeli fhedzi u fana na Yesu. Ri ḫodou badekanywa Nae, ri na lushaka lwa Muya we wa vha u Khae, wa vhulenda, wa u vuđa, tshifhinga tshothe e kha mushumo wa Khotsi.

<sup>119</sup> Murena, u valani ha iyi awara ya mvuseledzo, na u badekanywa uhu ha vhathu vhanzhi vha vhuñhogwa, uh, isa phanda na u Dibadekanya, nga u vha ñea Muya Mukhethwa. Zwi tendele, Khotsi.

<sup>120</sup> Fhatutshedza iyi thaberenakele ḡħukku, fhaġutshedza mushumeli muñwe na muñwe, muthu muñwe na muñwe we a vha hone khayo, tshivhidzo tshiñwe na tshiñwe tshe tsha vha fhano.

<sup>121</sup> Murena, ndi rabela uri U rumele mvuseledzo tshivhidzoni tshiñwe na tshiñwe kha shango lōthe. Huno ri do vha vhona vhe vhothe mbilu i nthihi nahone vhe kha lithihi, u itela tshilidzi tsha u takulelwa tađulu tsha Yesu Kristo uri tshi nekedzwe vhukati hashu. Ri hūmbela Dzinani la Yesu. Amene.

<sup>122</sup> Zwino mbone dzi do dziñwa, kha holo khulu, lwa tshifhinganyana. Sagaduku idzi dzo rabelelwa. Huno zwino mbone dzi do dziñwa lwa tshifhinga tshipfufhi, huno zwenezwo—huno zwenezwo ni tou fhumula. Huno mushumeli u do vha a tshi khou lovhedza, muñwe fhedzi nga murahu ha muñwe, u swika ri tshi vha fhedza.

<sup>123</sup> [Mukomana Branham na vharathu vha vhekanya fanitshara dza pulatifomo, hu tshi lugiselwa tshumelo ya ndovhedzo—Mudz.] Zwino arali muñwe na muñwe a tshi nga kona u vhona.

<sup>124</sup> Zwino, huno iyo khudzaipfi nthihi, kokodzelani iyo khudzaipfi fhasi u swika dasi ha thannge heneffo. Iina. Izwo ndi zwone. [Muñwe u dzudzanya tshitannde tsha khudzaipfi—Mudz.] Tshi vhonala tshi khwine. Iina. [Mukomana u ri, “Izwo ndi u itela uri ri kone u u rekhoda zwavħudi zwa vhukuma.”] Iyi i ya kha murekhodi? [“Ee”] Zwo luga. Inwi dzhiani huno ni zwi ite!...?...

<sup>125</sup> Ndo vha ndi tshi khou ḥoda u ita izwi, nne muñe, madekwana a ḥamusi. Nne ndi khou tou fhisa nga maanda. Huno Murathu Neville o vha a tshi khou awela, ngauralo ri ḥoda mufunzi a tshi ita tshiñwe tshithu nga hezwi, na ene-vho, murathu wawħudi nga maanda.

<sup>126</sup> Lwa tshifhinganyana fhedzi, mbone dzi do dziñwa, holoni, zwenezwo ni do kona u vhona, nga ngilasi khulwane yo nembelelaho murahu hayo, sedzani heneffo fhasi ngomu ha dzivha hune vha do vha vha tshi khou da, u ededza fhasi, zwenezwo vho no ita uri vha dilugise.

<sup>127</sup> Huno tshifhinga tshiñwe na tshiñwe, musi vha tshi lovhedza, vha do...vhahulwane vha do kokodza xaradeni. Iyo i do tsira vhasadzi, musi vha tshi bva madini. Huno ngauralo zwenezwo vha do vha vha tshi khou da, muñwe nga murahu ha muñwe. Ni do bula dzina lanu, na amba uri ni nnyi, huno na vha lovhedza nga Dzina la Yesu Kristo.

<sup>128</sup> Zwino, elelwani, sa—sa mushumeli fhedzi, a re na vhudifhindleli ha aya Mafhungo-madifha e a kumedzelwa kha nne. Ndi do a themendela kha nnyi na nnyi a songo lovhedzwaho nga Dzina la Yesu Kristo, huno a dovhe a

lovhedzwe. Izwo ndi zwe Paulo a amba. Na musi vho vha vho lovhedzwa nga inwe ndila, hu si na Dzina, o amba zwauri vha do tea u dovha vha lovhedzwa, nga Dzina ja Yesu Kristo.

<sup>129</sup> O ri, “Arali Muruňwa a ḫa, a funza tshiňwe tshithu-vho, i ri ni A seňwe.” Izwo zwi wanala kha Vhagalata. Vhagalata, ndima ya 1, ndimana ya vhu8. “Naho rięe, kana Muruňwa a bvaho Ṭadulu, a rera manwe mafhungo-madifha-vho, i ri ni a vhe o seňwaho kha inwi.”

[Xaradeni ya fhethu ha ndovhedzo yo vulwa—Mudz.]

<sup>130</sup> Zwino, musi vhučambo vhu sa athu thoma, naa muňwe na muňwe u khou kona u vhona? [Tshivhidzo tshi ri, “Amene” Murathu Neville u lovhedza vhathe—Mudz.]



*Ro BAQEKANYWA NA KRISTO* TSV59-1220E  
(Identified With Christ)

Hoyu Mulaedza nga Mukomana William Marrion Branham, u rangani wo ḫewa nga Tshiisimane nga madekwana a Swondaha, Nyendavhusiku 20, 1959, Thaberenakeleňi ya Branham kha ja Jeffersonville, Indiana, U.S.A., wo dzhiwa kha rekhodo ya theiphi ya maginete huno wa gandiswa u songo pfufhifhadzwa nga Tshiisimane. Heyi ḫalutshedzo ya Tshivenda yo gandiswa huno ya phađaladzwa nga vha Voice Of God Recordings.

TSHIVENDA

©2015 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Ndīvhadzo ya nzivhanyedziso

Pfanelo dzōthe dzo londolwa. Heyi bugu i nga ɖi gandiswa nga tshigandisi tsha hayani u itela u shumiswa nga muthu ene muñe kana uri i anđadziwe, hu si na mbadelo, sa tshishumiswa tsha u phađaladza Mafhungo-mađifha a Yesu Kristo. Heyi bugu i nga si kone u rengisiwa, u bveledzwa hafhu nga maandesa, ya poselwa kha website, ya vhulungiwa kha sisteme ya u wana mafhungo, ya ɬalutshedzelwa kha dziñwe nyambo, kana ya shumiswa kha u ɬuṭuwedza u humbela tshelede hu si na thendelo yo ɬwaliwaho zwi khagala nga Voice Of God Recordings®.

U itela u ɖivha zwinzhi kana u itela zwiñwe zwishumiswa zwi wanalaho, kha vha kwame:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)